





ԲՐԻՍՏՐԵԼՆԻՍ




Исповедникъ крестъ въ нбсхъ
Успѣлъ вознестись спсая ны

ԲԲԲ ՍՏԻՆԷԱԿԱՆ



ԱՆՆՆՆՆ
Ե ՄԱՅՄԵ ԶԱՅՄԵ

— 1843 —




ԲՐԻՍՏՐՆԷԼԻԱՆ

ՔԵՐԹՈՒԱԾ

Ի Հ. ՄՈՎՍԻՍԻ Վ. ԱՄՊԵՐՊՕՅԵԱՆ

Ի ՄԻԻԹԱՐԵԱՆ ՈՒԽՏԷՆ



Ի ՎԵՆԵՏԻԿ

Ի ՏՊԱՐԱՆԻ ՄՐԲՈՅՆ ՂԱԶԱՐՈՒ

—
1845

1870-1871

1870-1871


1870-1871

1870-1871



A
823

1870-1871



ԻՇԽԱՆՈՒՏԻՒՄ ՎԵՏԱԶՆ

Ի ԽՈՒՆ վաստակ հէք Մուսայիս
Ներողամիտ թէ հայիս ,

Քան թառամոտ յոլորս դաբնեաց
Ճակատ նորուն պերճ փայլեաց :

Ոչ գիւցազանց յարարս պատիր
Վատնեաց զաշխոյժս առաւիր ,

Այլ ոյր անմահ կայ յիշատակ
Դրոշմեալ յերկնից պարունակ :

Ի սոյն օճան և զիւրն յուսայ
Գործել անմահ հէք Մուսա

Ոչ լոկ զանունն , այլ և զարգիւնս
Բեզ ԻՍԿՈՒՏԻՈՅԻ ձօնեալ ՏԻԻԶ :

Անուանդ անմահ կոփել արձան ,
 Ճարտար մատին էր արժան .
 Յաւերժացի թող յիմ կիթառ ,
 Յորչափ գրեհոյս հընչէ տառ :



ՁԵԿՈՒՅՈՒՄՆ

ԱՆՈՒՆ իսկ քերթուածոյս հետա-
քնին առնէ զընթերցանելիս, թէ ընդէր
արդեօք զայս կալաւ իւր նստատակ քեր-
թողն, ուր բիւրք գոյին այլ գէսլք յար-
մարագոյնք յազգայնոցս, և ՚ի սրբազա-
նից և յարտաքնոց. այլ որք մի անգամ
զգածեալ իցեն աշխուժիւ քերթողու-
թեան յանձանց իսկ կարող են խեղա-
մուտ լինել այսմ, թէ յոր ինչ և վա-
ռեսցի աշխոյժս այս, այն նմին սա-
տուական, նոյն և յարմարագոյն ձկտու-
թեան մտաց: Ի սոյն գողցես և մէք
ըմբռնեցաք. անցանելով ընդ վարս
սրբուհւոյն և եթ այնքան բորբոքեցան
իղձք և աշխոյժք մեր, մինչև փորձ մի
փորձել կամեցեալ սկսաք մեզէն և թու-

ղաք, բայց ՚ի կատարումն ածել այլք
ստիպեցին, ևս առաւել ՚ի ըյս ընծայել:

Ոչ իբրև գործ կատարեալ, այլ գոյզն
ճաշակ ընծայեմք համարուեստ եղ
բարց. զի զայս արուեստ որչափ ոք և
յղկեսցէ, այնչափ գեռ յղկութեան կա
րօտի:

Ի վարուց սրբուհւոյն գրեթէ ոչ ինչ
իւլք խոտորեցաք, զի մի յառասպելս
կործանեսցուք, որով և զմերոց կրօնից
զհրաշալիս խանգարեսցուք: Ի նիւ
թոց սլատկերացն, եթէ ոք միայն ըն
թերցցի, բազում ինչ ակնկալէ քան
զբուն գրեալն. զգոյն և ես խոստովա
նիմ. այլ զթուիչ գրչիս վհատեցոյց կար
ճեաց նիւթոյն չափաւորութիւն և
ճշմարտութիւն:

ՊԱՏԿԵՐ ԱՌԱՋՆՈՅ ԵՐԳՈՅՆ

ՏԱՂՏԿՈՒԹԻՒՆ քերթողին յարասք-
նոցն քերթածաց 'ի սէր Անմահին վա-
ռեալ, զսքանչելի զօրութիւնս երգէ 'ի
սրբուհին Քրիստինէ : Ծնունդ նորա
և նուիրումն 'ի մշտնջենաւոր սաշտօն
դից յաշտարակի : Խղճահարութիւն
կուսին 'ի խնկարկութեան, արհամար-
հեալ զգիս երթեալ նստի առ սատու-
հանն 'ի մուտս արևու : Խորհրդածու-
թիւն արարածովքն 'ի վերայ ճշմարտին
Աստուծոյ, յիշելով զտանջանս վկայիցն
մաղթէ զնոցայն բարեխօսութիւն առ
Աստուած վասն իւր : Երևումն և քա-
ջալերութիւն փրկչին : Հալածումն
դիւաց և զայրոյթ սագայելի 'ի տես
սքանչելեացն, լուտանք նորա առ Աս-
տուած և յորդոր առ իւրսն : Զարթ-
նուլ կուսին յէլս արևուն և ընդ արա-

րաժս գոհուածի մատուցանել տեառն :
 Գալուստ հօրն 'ի տես դատերն , և ամ-
 բաստանուծիւն պաշտօնակցացն . ցա-
 ծնուչնորա 'ի հոմաձայն բանից դատերն :
 Փշրել կռոցն . զայրոյթ հօրն , և գանա-
 հարուծիւն և շղթայակապ արկումն
 նորա 'ի բանտ : Գալուստ մօրն և դարձն
 ունայն : Մահ Սելինեայ և ողբ նորա
 'ի Քրիստինեայ : Երևումն հրեշտա-
 կին իւրոյ և լուսով նկարագրուծիւն
 անօրինականաց փրկչին : Փղձկումն նո-
 րա առ Աստուած , և 'ի տքնուծենէ
 նուաղումն և նինջ :



ՔՐԻՍՏԻՆԵԱՆՆԵ

Ե Ր Գ Ա Ռ Ա Ջ Ի Ն

ՍՈՒՏ Ողիւմդոս սուա է Մուսա ,
Յաստեղատունս գրրեալ կայ .
Միտք որ յառեալ զերկինս գիտէ ,
Ձերկիր թողեալ 'ի բացէ ,
Հասաչին թռուցեալ ըզգահոյիւք
Անմահութեան ծրծէ սիւք :
Լըքեալ սրտի չեն զովարար
Ոչ հովանիք ոչ նեկտար .
Ո՛հ իմ աւուրց , սրացեալ անցին
Ձիարդ ընդվայր 'ի նոսին :

Առ քեզ Տէր իմ, առ քեզ Աստուած
 Աղբիւր ջրոյդ իմ կենաց,
 Անձն իմ նեղեալ յերկինս յերկրէ,
 Տարփմամբ սրտի փափաքէ:
 Յարարածոց ելեալ խնդիր,
 Հաղախեցայ 'ի սլափիր,
 Եւ յորսողաց հարայ վերօք,
 Ինձ մխիթար չեղև ոք:
 Զի ոչ մայրեաց վեհ հովանիք
 Եւ ոչ հաւուց դայլայլիկ,
 Աղբերականց ոչ վազք ըշտապ
 Ոչ շիջուցին սրտիս տապ:
 Դու Արարիչ, դու ես Աստուած,
 Ըստփոփութիւն իմ վշտաց,
 Քեզ 'ի խնդիր ելեալ սիրտ իմ
 Ի սէր սիրոյդ առչորիմ:
 Ո՛հ, թէ յանկարծ զիմ ըզլեզու
 Քոյոց փառացդ օրհնեբզու
 Քեզ ընտրէիր 'ի տաւիլ սուրբ,
 Ըստ մաքրելոյն 'ի քէն հուրբ,
 Խօսել ըզքէն ինձ քաղցրանայր,
 Այլ ես գործի եմ արկար:
 Ո՛վ հրրըշտակ իմ պահապան,
 Իմոց մըտացս ոստիկան,

Ի հողաթևս առ զիս 'ի քոյ
 Անցից երկրիս 'ի վերոյ .
 Յաւերակաց բանաստեղծից
 Սօւերս ագոյց վեր ելից ,
 Զ' իմոց տաղից վէհ նըստասկ
 Երկնից 'ւ երկրի հեղինակ :
 Այլ իմ եղո՛ւկ նրբին թևոց
 Զի խանձոտէ հրատին բոց ,
 Ի ծայր լերին գոնեայ տար զիս ,
 Զի մի աղմուկ կենցաղիս ,
 Քաղցր երգոյս արկցեն խափան ,
 Մաղթեմ 'ի քէն , ո՛վ Պահսկան :
 Թէ օրհնաբանք ոչ պակասին
 Վէհք 'ի վէհից Արարչին ,
 Ըզգօրութիւնս յիւր 'ի սատկեր
 Արկից փողոյս 'ի կերկեր :
 Թէ արարածք են վէհ քարոզ
 Ըսքանչեւեաց մըշտախօս ,
 Սաղմոսողին հոգենըւագ
 Մեզ քարոզեն անսուս բանք 1 :
 Յարարածոց ես գերազանց ,
 Հոգի շնչեալ 'ի բարձանց ,
 Զըսքանչելիս տեսեալ հրաշից
 Ես բանականս լուռ կացից :

Քեզ Արարչիդ ամենարուեստ
 Քոյովքդ հիւսեմ քեզ գովեստ ,
 Երկինք երկիր քոյոց ձեռաց
 Խոստովանին արարած .
 Ձեք գիմադարձ յերկրի 'ւ երկնի
 Ամենազօր քո ձայնի .
 Տիեզերացս այս համօրէն
 Դու 'ի բարձանց տընօրէն ,
 Ի սէր միոյ արարածոյ
 Վէհիդ 'ի տիպ եղէլոյ ,
 Ընդդէմ զինես զերկինս երկիր ,
 Ըսքանչէլէաց արհաւիր .
 Լէրինք 'ի ձոր , ձորք 'ի լէրինս ,
 Մարգագետինք 'ի ծրփինս ,
 Ձրկունք յայերս թռուցեալ ճախրին ,
 Բընակք մայրից 'ի ծովին .
 Արջ և առիւծ գազանք վայրի
 Ձօրէն հաւուցն ընտանի
 Ձրմեղանչէն քոց սիրելէաց
 Աննարկութեամբ քո կամաց :
 Երկաթ և հուր ամենածախ
 Քե լուծանին 'ի գազախ .
 Տարերք ըմբոսոք ըզգօնանան ,
 Մինչև լցցի քո հրաման :

ԸՍՔԱՆՁԵԼԵԱՑ քոյ, Տէր, քարոզ
 Կացցէ այսօր մեզ Տիւրոս .
 Ազէ պատմեա, զլինչ Անմահին
 Ի քեզ հրամանք գործեցին .
 Արգանդ ամուլ բիւրաբեղուն
 Երկնից հարսին եղև տուն :
 Ըզքո ընտրեալդ 'ի սկրզբանէ
 Հրաշից կրնիք ցուցանէ .
 Արքայազարմ ընտրեցեր մայր
 Նըմին տաճար վեհալայր .
 Նա անծանօթ ձեռաց քոյին ,
 Շընորհ գըրէր զայն բաղդին .
 Զկենաց մանկանն ընծայաբեր
 Զանշունչ ըզդիս պաղատէր .
 Պարգևատու կարծէր զԴիոս
 Եւ հայր մանկանն Ուրբանոս .
 Անշունչ կըռոց մոլեալն 'ի սէր ,
 Ըզկոյսն ուխտէր 'ի նըւէր ,
 Ամբըծութեամբ 'ի մեհենի
 Պաշտել զաստուածս ըստ դէնի :
 Եւ մայր նորին խանդաղատեալ
 Ի գեղ դիմացն հրաշափայլ ,
 Յաստուածուհեաց կարծէր նա զոք
 Ծածկեալ նորին ընդ դիմօք :


Այսպէս զաջ քո ոչ ծանեան , Տէր ,
 Որ 'ի նոսին ներգործէր .
 Մինչ օրիորդն աճէր 'ի տիս
 Յապուշ կրթէր զտիւրացիս ,
 Իմաստութիւն և գեղ դիմաց
 Գեր քան ըզկարգ մահացուաց :
 Զուր թագազարմ գուք սլարմանիք
 Ի սէր նորին հարկանիք ,
 Է նըւիրեալ անձն այն չըքնաղ
 Պաշտել ըզգիս անըզբաղ ,
 Զի՞ յանդըգնիք գուք անմահից
 Լինել նոցին բարձակից :

Տէր հրաշիցդ է պահել ըզքոյդ
 Ի բընութեանց անըստգիւտ .
 Ի չարութեան որսալ ըզմարդ
 Ի հրաշից քոց 'ի թակարդ ,
 Այդ քո ևեթ սիրոյդ է գործ
 Ի բընութեանս բազմափորձ :
 Ուրբանոսի և աստ , գու Տէր ,
 Խորհուրդ 'ի միտ զայս արկեր ,
 Քեզ հարսն անփորձ պահել ըզնա
 Մըտաբերել ակամայ :
 Մեհեան կառոյց բարձրադիտակ
 Ելից իրացն անգիտակ ,

Նովիմբ հաճել ըզգիս կարծէր
 Պաշտօնատար սրբանուէր
 Կարգեալ զաղջիկն անասական
 Իբր ըզկուսանսն վեստեան 2 :
 Օրիորդաց վեցից կրկին
 Եդ գործակից առ նրմին ,
 Յանչէջ սահէլ ըզսիրոյն բոց
 Զատաւ աղջիկն յերկրայնոց :
 Դիւաց բանակ անագորոյն
 Ի բազմագէմ կոփածոյն
 Մտեալ սաշտի յօրիորդէն ,
 Այլ նա հարաւ 'ի խղճէն :

Որ զքաջութիւնս ոչ տաս այլոց ,
 Եւ ոչ ըզփառս դրօշէլոց ,
 Ըզխիղճ կուսին դու զարթուցեր
 Գալ ընդ նրմին 'ի վրսեր :
 Անշունչ պատկերքս յոսկեղինաց ,
 Անշունչ սոքին չեն Աստուած :
 Շրջեցաւ միտք օրիորդին ,
 Եհար ըզխունկն 'ի գետին .
 Թուք արձակեալ ցասմամբ մեծաւ ,
 Ծաղրեալ ըզկուռս , ըսկրսաւ
 Կուրացելոց կարգալ աւաղ ,
 Եւ աստուածոց դիւարբախ .

A
 823



ԵՆ զայրագին փախեալ անտի
 Վիրաւորեալ 'ի սրտի .
 Ձեռք 'ի ծնօտի , յաչս արտասուք
 Ընկըղմեցաւ 'ի խոր սուգ :
 Ա՛ժ բարձրեալ , չանկաւ 'ի զուր
 Ի սիրտ մանկան սիրոյդ սուր ,
 Վիրաւորեալ նա թալկացաւ ,
 Այլ ոչ առթեաց նրմին ցաւ .
 Ահա եւ նա զըւարթերես
 Ի կապուտակ ասպարէս ,
 Յառեալ 'ի գեղ արեգական
 Որ զերթ ըզհարսն աննրման
 Քօղ լուսասփիւռ արկեալ զիւրեաւ ,
 Մըտեալ 'ի ծով ծածկեցաւ ,
 Ոյր հանդերձից գեղոյն նըշոյլ
 Քարշէր ձրգէր զաստեղց բոյլ .
 Աստեղք յեթերս մեծ դըշխոյին
 Կային գոգցես 'ի զընին :
 Փայլէր և անդ 'ի հանգիւոյ
 Երկրորդ դըշխոյն գիշերոյ .
 Ի տես սոցին կրթեալ յապուշ ,
 Արձանացաւ իբր անյուշ ,
 Արծաթափայլ զերերաց հետ
 Ալիք գային վէտ 'ի վէտ ,

Իբրև վարսամ՝ նըշոյլ լուսնոյն
 Զաչս հարկանէր ասլէլոյն :
 Յուշի եղեալ ծանեաւ զիւր բաղդ ,
 Կարդայր անձին ասկերախտ .
 Յայսվայր ընդէր անմըտացար ,
 Քո ըստեղծիչ փայտ և քար .
 Չիցէ լաւ խոտ վաղաթառամ
 Քան ըզսոսա բիւր անգամ ,
 Մինչ թալկանայ նա գըլխիվայր ,
 Զուր պաղատի ոչ ընդվայր ,
 Այց ելանէ երկինք ցօղով ,
 Հովանացեալ մերթ ամպով :
 Ես անշըշունչ քարանց փայտից
 Խօսուն պաշտօն էր հարից .
 Սոցին երկիրս է սընուցիչ ,
 Եւ դիւախաբ մարդ կոփիչ ,
 Քան զաստուածս իմ տեսիլս չըքնաղ
 Չիցեն յարգի , ինձ աւանդ .
 Սոքա աստուած այլ ճանաչեն ,
 Ես քան զսոսա գեղաչեն
 Պաշտօն տանիմ անարգէլեաց ,
 Տի՛ օն անգր ան 'ի բաց ,
 Իմաստուածեան պէտք են մըթերք ,
 Զի կանգնեացին տիեզերք :

Եւ ոյր իցեն կընիք հրաշից
 Ի գէմս բերեալ ամենից ,
 Տարերք անբան գերերջանիկ ,
 Զէն ճշմարիտ դաւանիք :
 Ո՛վ դու լուսին արծաթափայլ ,
 Հան ՚ի սրբաէս զայս մըուայլ .
 Եւ դուք կոհակք , մինչ ՚ի համբոյր
 Գըլիք ավանցս ՚ի սարոյր ,
 Պատմեցէք ինձ , ո՞ ՚ի հանդէս
 Ձերոց խաղուց կայ ՚ի տես :
 Եւ դու երկին , դու բազմաչեայ
 Հիբացելոյս ակնարկեա :
 Ոչ վայրասպար յանձն առնուին 3
 Ըզխիստ տանջանան ահագին
 Ճըմարտասէր այն քրիստոնեայք ,
 Ծերք և մանկունք , գիրգ կանայք ,
 Նահատակեալ նովին անուամբ
 Յերկնից նստին սատրշգամբ :
 Աղէ անկցին դուժք ձեր ընդ իս ,
 Ահա թողի ես ըզդիս .
 Զհաւատս անբիծ ըզՔրիստոսին
 Ձեր ուսուցէք մարտակցին :
 Իմ գունեցան աչք ՚ի կարմիր ,
 Բնութիւն համայն կայ ՚ի նիրհ :

Ձեր արքային խանդակած եմ

կալ յանդիման պսակաճեմ .

Դուք 'ի մարմնի յորդորէիք

Ջատուածանարդ թշնամիք .

Ինձ զօրավիգն աղէ լերուք ,

Ո՛վ սուրբ վրկայք յերկնից դուք .

Ես ձեր հաստչին եմ արարած ,

Ընկալ զողիս իմ Աստուած :

Ձայս ասացեալ կացին շրթունք ,

Եւ ձեռք լըքան դողդոջունք .

Թըմբրութիւն սուրբ հեղաւ 'ի նա ,

Ի պատուհանն յեցեալ կայ :

Վէհն եթերին 'ի գահոյից

Նրստաւ 'ի թլա քրովբէից .

Երկինք անդէն խոնարհեցան ,

Գունդ ծաւալին հրաբերան .

Փայլատակեալ և լոյս ասէղ

Սըփուէր յերկիր բազմազէղ .

Սաւառնաձայն բախմամբ թլոց

հուր ցոլանայր մէջ յամբոց ,

ՅՅատուածորդւոյն յահէղ փառաց

Երկիր հիմանց երերաց ,

Բանակք ջարին 'ի խոր անդունդ

հալածեցան գունդագունդ :

Հողագընդին յերերմանէ ,
 Զի մի երկիր սատառէ ,
 Ի վեր ոստեալ իշխան նոցին
 Դալուկ դիմօք ահագին ,
 Ահեղ թընդման տեղեկանայր
 Յարբանեկացն ըզսատաճառ ,
 Զի՞ խուճապեալ այսրէն եկիք ,
 Տարտարոսին ժանտ որդիք :
 Մեզ չըմնաց խորչ խաւարին
 Ի մեծ լուսոյն , ասէին ,
 Արքայորդին էջ 'ի յերկնից ,
 Վախճան եհաս ամենից :
 Թողեալ զգահոյսն արքունական ,
 Ընկէց յաջոյն զգաւազան ,
 Վազեաց անդէն զհողագընդիւ
 Կաց 'ի զընին թաքըստիւ ,
 Երկրիս եդեալ 'ի շրջաստա
 Ըզծնօտն ահեղ յուսահատ ,
 Ետես հասեալ քրովքէածիգ
 Երագաթի կառք հրաշիկ ,
 Աշտարակին կացեալ հանդէս .
 Զինչ է տեսիլս այս անդէս .
 Ազջիկ 'ի քուն առ սատուհան ,
 Գունդք առ նովաւ հրաբերան :

Կնճիռք 'ի դէմս սեաւ իշխանին ,
Աքք անհէթեթ կրկոցին .

Յափրշտակեալ 'ի կառքն ունայն

Ի քրովբէից աղջիկն այն ,

Հարին անդէն զայն աշտարակ ,

Տապալէցաւ հարթյատակ ,

Եւ 'ի տեղին շքքեղ տաճար

Երկնահանդէտ վէհափառ

Վերամբարձաւ վաղվաղակի ,

Երկնաւորին արժանի .

Արքունական պարզի դրօշակ ,

Իւր տէրու թեան նըշանակ 4 :

Շրջապատեալ յամպրս հրեղէն ,

Շանթք 'ի դիմաց փայլակէն .

Սաւառնաթև վեց քերովբէք ,

Փայլակնացայոք ահաբեկ ,

Ճախրեն յայերս , թնդայ երկին

Եւ յարկք բացան տաճարին .

Ի դալ նոցին փառօք լըցաւ ,

Էնն 'ի դահոյս բազմեցաւ .

Գունդ սրովբէից կան 'ի սպասու ,

Պահպանք էիցն ահարկու :

Անդ յանդիման սուրբ Արքային

Ըզկոյսն անմեղ կացուցին .

Վարկառ նրմին ցուպ արքունի ,
 Զի նա հարաւ զգողանի .

Մի երկրնչիր , ասէ նրմա ,

Ես եմ Աստուած քո անմահ .

Պատկեր մարմնոյս զոր տեսանես ,

Ի սէր մարդկան առի ես .

Ես անկարօտ 'ի ձէնջ փառաց

Խոնարհեցայ 'ի բարձանց .

Անպարտականս մահու խաչի

Յարարածոցս համբերի :

Չարչարանօք ըզքեզ կամիմ

Առնել կրցորդ մահուն իմ :

Զի քաջալանջ կացցես անահ ,

Ըզքեցուցէք դրմա զրահ ,

Եւ սաղաւարտ իմաստու[թեան

Ի գլուխն դիք կուսական :

Ահա ետու զոգի իմ քեզ ,

Պաշտպան վըշտացդ յասպարէզ .

Բերէք այսրէն Քրիստիանեայ

Շըքեզ պրսակ բիւրակնեայ 5 :

Յայնրմ պահու շարժեալ կուսին

Փարիլ զոտամբն Յիսուսին ,

Զար[ժնու 'ի քնոյն , բազկատարած

Գոչէ յերկինս առ Աստուած .

Զողորմութիւնս քո տէր օրհնեմ,
 Այլ էս մոխիր և հող եմ:
 Երանի՛ որոց դու տէր
 Մատչիս յերկնից քաջալեր .
 Զի մինչ երկունք զիս փրկութեան
 Ի գիշերիս յայս կալան ,
 Խանդաղատեալ զինև յերկնից ,
 Բարձրեալք Աստուած , լուար ինձ .
 Հաւատք յոյս սէր՝ի ծնունդս երկանց ,
 Լուծաւ կրօնոց կոյր նախանձ ,
 Բնդ արարածս յելս արեւու
 Զիս ըստացար օրհներգու :
 Տէր Աստուած իմ ըզքեզ ծանեայ ,
 Ընկալ և զիս ընդ սոսայ .
 Քև արշալոյս յաղթանակեալ
 Աղօտ լուսով կարմրափայլ
 Փախըստական առնէ զգիշեր ,
 Զի դու այդպէս կարգեցեր :
 Այս տարրը քև զալեաց խուժան
 Քև թաւալէ ովկիան .
 Մերթ լեռնանայ մերթ լուծանի
 Հըպատակեալ քո ձայնի :
 Ոչ ողողեն , սահման եդիր ,
 Քոյի՛նակերտ զայս երկիր :

Գազանք ծանեան հաստիչ ըզքեզ ,

Զի դու զնոսին կերակրես ,

Սարտեաւ 'ի քէն անիծապարս

Քոյինատիպ միայն մարդ :

Այլ քեզ բաժին զիս ըստացար ,

Քո եմ ձօնի , կենարար .

Քեզ բարձրելոյդ երկրպագէ

Եւ ոչ դիւաց Քրիստինէ :

Տըքնեցայ ես 'ի գիշերիս ,

Որպէս ճնճղուկ 'ի տանիս .

Լըւիցեն ազգք և սարսեցին ,

Քո են երկիր և երկին :

Օրհնեա անձն իմ , օրհնեա ըզՏէր ,

Տէր Աստուած իմ , մեծ եղեր .

Ոսկի արծաթ փայտ և քար են

Աստուածք ազգաց , կորիցեն :

Յաւարտ բանիցս իշխանըն սեաւ

Խոժոռադէմ սըլացաւ ,

Եւ 'ի թընդիւն դոփման ոտին

Սանդարամետք սարսեցին :

Էջ նա յանդունդս ահեղ դոջմամբ ,

Փայլակնացայտ գոռ ահամբ ,

Սրամըտուծիւն իբրև ըզբոց

Սրտին ժայթքէր 'ի խորոց :

Շուրջ մըրրրկեալ շանթիք թափին
 Ի բերանոյն ահագին .
 « Է՛հ ամօթոյս , մանուկ մատաղ
 Ըզտէրու թեամբս առնէ խաղ .
 'Նախանձեցաւ ընդ իմ 'նըւէր ,
 Վառեաց զաղջիկն ինձ 'ի վսեր . . .
 Տըկար է նա , մարդ անձնիշխան .
 Եւ 'ի բազումս քաջացան
 Իմ արբանեակք ահեղակազմ
 Ընդ այսպիսեաց գալ 'ի ռազմ .
 Գունդ կազմեցէք և վէճընաիր
 Ահեղասպայ զինակիր ,
 Մերձեցարուք առ ընտանիս ,
 Որք տակաւին սաշտեն զիս .
 Ի սէր նոցուն թողցէ զԱստուած
 Եւ զոհեացէ իմ փառաց .
 Ապ' եթէ ոչ , սանդարամետ
 Վրիժուց նորին տեսցէ զմէս » :
 Օդ շառաչեաց բախամբ թևոց ,
 Զօր սևագունդ զերթ յամբոց
 Փայլակնօրէն ծաւալեցաւ
 Ընդ արշալոյսն ընդ երկնաւ :
 Մինչ մերձեցաւ առաւօտեան
 Ժամ աստուածոց սաշտաման ,

Չայնեալ ասեն նորուն ընկերք .
 « Ե՛կ մի գտցուք աննըւերք
 Այն աստուածոց կենդանասու
 Որոց եղեր անարգու ,
 Զի մի չարիս խորհին ըզքէն ,
 Ահա գրժնեայ ակնարկեն » :
 « Անիծեալք են աստուածք և դուք ,
 Զի չեն սոքա կենսասուք :
 Կարծէք փոխել զոհիւս ըզգէմ ,
 Էին և են միշտ գրժխեմ ,
 Այսպէս գրժնեայ կոփիչք նոցին
 Դրժոխագէմ կրուեցին .
 Դէք են սոքա , և որ սպառեն
 Պիղծ արբանեակք դիւաց են » :
 Չայս ասացեալ հար աքացի ,
 Եւ զարկուցան ըզգեանի .
 « Թէ աստուածք են , ո՛ւր իցէ վըէժ ,
 Զիս արասցեն գահալէժ ,
 Այլ է Աստուած արարիչ իմ ,
 Ըզնա ևեթ դաւանիմ .
 Այսօր ծանեայ և սիրեցից ,
 Զի նա է տէր համայնից :
 Իմ մանկուծեան տիոցս աւանդ
 Եւ կուսուծեանս այս չքնաղ .

Ուրուականացս այս դիւածին
 Զխորդ չոքայ զհետ նոցին ” :
 Եւ զայրագին 'ի միւս սենեակ ,
 Եւ զերթ անբիծ աղանեակ
 Մընչէր 'ի սիրտ խանդաղակաթ
 Քրիստոսի հարան անարատ :

Կանգնեալ ըզկուռս դիւապաշտից
 Խոռնկս արկանեն զմուալից .

Այլ Քրիստինէ բազկատարած
 Զերմ պազատէր առ Աստուած ,
 Զի խորխորատ սատանային
 Ի վերայ իւր կափուսցին ,
 “ Ես դոհացայց , ասէր , ըզքէն ,
 Լէր ինձ , Աստուած , ապաւէն ” :

Ի պաշտաման մինչ դեռ կային
 Եւ Քրիստինէ առանձին ,
 Հա Ուրբանոս և հայր նորուն
 Ի տես եկեալ սիրելոյն ,
 Պաշտօնակցաց նախ հարցանէ ,
 Տեղեկանալ զողջունէ :

Այլ զի նոցա հարեալ ճակատ
 Հօրն ազգէին խորհուրդ վատ ,
 Զանարգանաց զաստուածոց քէն
 Մի յապաղէլ դըստերէն :

Ոչ խորհրդոց անսաց նոցա

Եւ ոչ խկոյն բարկանայ .

Մըտեալ 'ի ներս , ասէ , « Գուսար իմ ,

Սոքա ըզքէն զինչ խօսին » :

« Մի ասեր ցիա , չեմ գուսարք քոյ

Նըւիրեցայ Աստուծոյ » :

Խանգաղատեալ պատասխանւոյն ,

Եւ շըլացեալ 'ի դեղոյն ,

Արկեալ անձկով գիրկս 'ի համբոյր ,

Զնոցայն գըրեաց սուտ հրապոյր :

Լըցեալ սիրովն 'ի տուն չոքաւ ,

Մինչև առցէ այլ համբաւ :

Իսկ օրիորդն աստուածասէր

Ի կուռսն հայել ոչ կարէր .

Հուր երկնային վառեալ անանց

Վառէր ըզնա 'ի նախանձ ,

Եւ 'ի կորուստ ճըգնէր կըռոց ,

Զի մի գացին և այլոց .

Եւ մարգասէր սուրբ խորհրդով

« Ազքատք , ասէր , բիւբք 'ի սով

Կարօտակէզ հալին մաշին ,

Զի աստ սոքա մըրճոտին :

Տէր Աստուած իմ , կարողացո՛

Ի զօրութիւն բազկի՛ քո

Խնդրել վերէ՛ժ յանաստուածից ,
 Ըզգիս ջնջել սրղծալից ” :
 Ի դուրս վազեալ սակր 'ի ձեռին ,
 Բոցք 'ի դիմաց հատանին .
 Անդէն զարձանսն հարեալ փշրէ ,
 “ Ո՞ւր են աստուածք , Սելինէ ” :

Ի կուսանաց մին էր և սա
 հաւատարիմ՝ Քրիստինեայ .
 Սովաւ ձօնի ոսկին 'ւ արծաթ
 կարօտելոց բաշխ առատ :

Այլ մոլեգնեալ ընկերք նորին
 Ազգեցութեամբ բանսարկուին ,
 Որ մըռընչէր առիւծուց սէս
 Ելեալ ընդ սա 'ի կրքէս ,
 Ուրբանոսի ճեպեալք 'ի տուն
 Դից կորըստեան գոյժ ետուն :
 Գազանացեալ այրն ամէհի ,
 Ժանտ դատաւոր Տիւրոսի ,
 Զօրէն ձիոց դափր հատանէ
 Ի դուրս վազեալ 'ի տանէ ,
 Եւ գունդ զօրաց ահեղասպայ
 Ի տուն կրուոցն առեալ գայ .
 Եւ ըստուգեալ զահեղ ոճիր ,
 Գոչէ , “ Ո՛ դուստր անյարիր .

Ի վեր վազեալ և հարցանէ ,
 Ո՞ր էն աստուածք , Քրիստինէ ” :
 Վառեալ բոցով աստուածային
 Պատասխանէ զայրագին .

“ Ո՞չ գիտիցես , զի ոչ յերկրի ,
 Աստուած յերկինս բընակի .
 Զերկինս աթու իւր պատրաստեաց ,
 Եւ պատուանդան զարարածս :
 Զոր կորուսի՝ թէ աստուածք էն
 Ըզվե՛ժ ինքեանք թող խնդրեն .
 Ընդէ՞ր , հայր իմ , դու զայրանաս ,
 Աստուածք ածեն պատուհաս :
 Թէ դու զպարգևս երկնաւորին
 Իմանայիր քում յանձին ,
 Ըզքաղցրութիւն զերկնից աստուաս
 Ճաշակէիր զանկորուստ ,
 Եւ ոչ կորուստ անշունչ կըուոց
 Վառեր ՚ի քեզ զայդ մեծ բոց ” :

Բանքն ՚ի բերան մինչ դեռ էին ,
 Յասմամբ իշխանն ահագին
 “ Ա՛յդչափ , դոչէ , յանդրգնեցար ,
 Մինչև աստուածք բարերար
 Ի քէն , աղջիկդ ապերասան ,
 Դեք ՚ւ անըզգայք կոչեցան :

Հապա զի կայք , զաղջիկդ հարէք ,
 Թըշնամանացն հատուցէք ” :
 Յարձակեցան հըզօր մարտիկք ,
 Նա զերթ պարիսպ անառիկ
 Ըզդէմ կալեալ ըզհարուածոց
 Կարդայր անէծս աստուածոց :
 Ուրբանոսի տեսեալ զի կայր
 Անազդէլի իբրև ժայռ ,
 “ Մերկացուցէք ըզդա ասէ ,
 Զի ձեր հարուած ազդեսցէ ” :
 Անդէն քարչեալ զըզդեստ նորին
 Կատաղաբար ձաղկէին :
 Կոյսն ամօթխած շառագնէր յոյժ ,
 Ընդ մերկուծիւն չունէր ժոյժ .
 Զի մի տեսցեն աչք անարժան ,
 Ներկէր իսկոյն վտակ արեան .
 Իսկ նա յեթերս բազկատարած
 Կարդայր հոգւով առ Աստուած .
 “ Դու որ նստիս ՚ի քերովբէս
 Եւ խոնարհաց լըսողդ ես ,
 Ի վերայ իմ հըզօրք յարեան ,
 Լէր ինձ Աստուած օգնական :
 Թէ թշնամւոյ նախատեալ էր ,
 Անձն իմ արդեօք համբերէր .

Այլ սա հայր իմ ինձ մարմնակից ,
Սընա զիսորդ համբերից :

Յտո՛թ դիմացդ այս պատուհաս
Եւ դու ո՞րպէս չիմանաս .

Ըսպասաւորք թող վըկայեն ,

Անպատուէցար դու քեզէն ” :

Մինչ կոյսն յարեան թաթաւեալէր ,

Եւ կարմրափայլ շողշողէր ,

Վէսն Ուրբանոս ընդ խաղ ասէ ,

« Այդ ծիրանի վայելէ

Ստամբակ դըստեր ամբարտաւան ,

Դից բարերար անհաւան :

Դարձիր ՚ի միտս արդ Քրիստինէ ,

Եւ բարերար դից զո՛հէ ” :

« Քրիստիանէ հարան է երկնից ,

Ոչ ճանաչէ զանուն դից .

Այսպէս երբեմնն և Քրիստոս

Ներկեալ յարիւն յորդահոս ,

Յամբարհաւաճ՝ դատաւորաց

Մահու խաչի համբերեաց .

Որդի գոլով նա Աստուծոյ

Ես վասըն մեր զանձն ՚ի զոհ .

Ես գուսար անարդ Ուրբանոսի

Այսըմ էս չեմ արժանի :

Դու ցարդ կըռոց պաշտօնատար ,
 Ձի՞նչ յաստուածոցդ օգտեցար .
 Դու գերազանց քան ըզնոսա ,
 Թէ քեզ էի պաշտօնեայ ,
 Գէթ զիմ զհայցուածս կատարէիր ,
 Վըշտացրս լեալ կարեկիր :
 Սոքա ոսկի և արծաթ են ,
 Անձանց օգնել ոչ կարեն .
 Եւ ցասումն իմ բանիս վըկայ
 Ճըշմարտապէս ցարդ իսկ կայ .
 Ո՞ւր են Աստուածք զոր փշրեցի
 Հանդէպ արփւոյն այս երկնի .
 Թէ ճըշմարտիւ աստուածք էին ,
 Վըրէժ յինէն առնուին » :

Լուեալ նա զայս 'ի դրատերէն ,
 Լեղի ժայթքէր 'ի սըրտէն .
 « Շըղթայ անուր 'ի պարանոց ,
 Եւ զոտս արկէք 'ի գեւոց .
 Ի խաւարչտին տարէք 'ի բանդ
 Եւ անսըւաղ մեռցի անդ » :
 Ասէ ժըպտեալ Քրիստիանէ ,
 « Գոհանամ զքէն Ուրբանէ ,
 Ձի մի՞նչ ըզգիս քո պաշտէի ,
 Իբր ազախին քո էի .

Այլ արդ կրրեմ քառամանեակ
 Իմոց արդեանցս յաղթանակ :
 Այսքան պաշտօն դիցդ էր վայել ,
 Տապարահար ջախջախել .
 Կոցինն 'ի ճահ այս գործ չըքնաղ
 Կալովս աստէն անըզբաղ :
 Չեն խուլ երկինք էին աթոռ ,
 Ուր նահատակք պարաւոր ,
 Իմ Աստուծոյս ըսպասարկուք
 Դիւացդ երբեմն անարգուք " :
 Զերմ համբուրէր ասելով զայս
 Զերկնասպարդէ ըզըղթայս .
 Եւ զարմացեալ զինաւորաց
 Անկանէին 'ի կասկած ,
 Գուցէ խաբբ են մերըս պաշտօն ,
 Զի սա թըւի կոյս ըզգօն ,
 Արիասիրտ դից անարգու
 Եւ ցասման հօրն ոտնհարու :
 Իսկ նա երթայր և գոհանայր
 Եւ կողկողէր , « Ո՛րնձ տայր ,
 Զի այս շղթայք յիս մընային ,
 Եւ զիս սոքիմբք թաղէին " :
 Եւ մինչ մուծին 'ի բանտ մըլթին ,
 Անկեալ կուսին 'ի գետին ,

Ձի հետք արեան անդ 'ի մըռայլ
 Սրբոց շողեր լուսափայլ .
 Ըզհողըն զայն արենացայտ
 Ողջագուրէր խանդակաթ ,
 Եւ պաղատէր կողկողէլով ,
 Ձի շարժեսցին 'ի դորով .
 « Լերուք , ասէր , սուրբ նահատակք ,
 Մաղթեմ , և ինձ օժընդակ .
 Ձեօք ես եկի յօթևանս յայս ,
 Մի՛ զիս թողուք 'ի շըղթայս » :
 Իսկ անօրէնն այն Ուրբանոս
 Հեղձամըղձուկ և անխօս ,
 Ամօթապարտ գառնայր 'ի տուն
 Եւ խաճատէր ըզէզուն .
 Եւ արտասուաց յարիւն փոխան
 Աչք բարկացայտ գունեցան ,
 Եւ կաղկանձեր իբր այսահար ,
 Մահ և կորուստ ըսպառնայր .
 « Ես ես եղէց նրմա դահիճ » :
 Այլ նա անկեալ 'ի մահիճ ,
 Յոգւոց ելեալ և դալարէր
 Իբրև վիշապ կիսամեռ :
 Այսըմ տեսլեան կայր 'ի զընին
 Եւ Յանիկէ կին նորին ,

Եւ զարհուրեալ գիտէր մեղմով,
 Շարժէր ընդ կիրարն գորով:
 Յըսպասաւորս մատեաւ եհարց,
 « Ո՞ր է վըճռոյն դիմագարձ » .
 Նոցա պատմեալ անկեղծաբար
 Առն ըղցաւոց ըզպատճառ,
 Եւ թէ որպէս ըզգիս կորոյս
 Քրիստիանէ մեծայոյս,
 Զխորդ 'ի բանդ յարիւնթաթաւ
 Եւ վիրալից նա եգաւ:
 'Գ իմաստութիւն բանից նորա,
 Ասէ Կիղէս, զարմացայ:
 Իբրև լըւաւ զայս Յանիկէ
 Ըզմիածին դըստերէ,
 Ճեղքեաց իսկոյն ըզպատմութեանն,
 Ի գոյն հարաւ 'ի դալկան,
 Եւ կատաղեալ քարշէր զալիս,
 Եւ կողկողէր, « Հարէք զիս »:
 Մերթ ճեմս առնոյր անդ 'ի դաւթի
 Իբրև ըզվագր ամեհի,
 Մերթ վազս առեալ գիսախըռիւ
 Անձամբ անձին գայր 'ի կռիւ:
 Որպէս յորժամ առիւծ մատակ
 Կորուսանէ զիւրն ըզձագ,

Մըռընչէլով կատաղաբար
 վէր վայր վազէ անդագար ,
 Եւ ոչ գըտեալ միշտ կաղկանձէ ,
 Հանգոյն առնէ Յանիկէ :
 Ասկա իբրև ըզգաց անձին ,
 Մըտեալ ուրեք առանձին ,
 Քուրձ ըզգեցաւ մոխիր զգըլսով ,
 Ածել ըզգուսարն 'ի գորով .
 Հասեալ բանտին 'ի գուրս գոչէ ,
 « Դու սոստ իցես , Քրիստինէ .
 Եկ լուր , որդեակ , ձայնի իմում ,
 Եկ մի լինիր ասպառում .
 Յիշեա զերկունս զոր կըրեցի ,
 Անձն իմ առ քեզ կողկողի :
 Գիտես քանի սպաղատանօք
 'Ի աղերսալից արտասուօք
 Պարգև 'ի դից առի ըզքեզ ,
 Հիքացելոյս ո՞չ խնայես :
 Են երջանիկ քան զիս գաղանք .
 Եւ ո՞ր իցեն իմ յանցանք .
 Մնուցի ըզքեզ գիրգ և փափուկ ,
 Եւ 'ի մահուն չարաշուք
 Ճըգամք մեծաւ կորզեալ ժանեաց ,
 'Ի 'ի բազմագէմ վըտանգաց

Ըզմանկուլթիւնդ ճողոպրեցի ,
 Յայս տիս չըքնաղ հասուցի .
 Աշխատութեանցս այս տրրիտուր ,
 Զաւուրս կենաց զայս տրիտուր
 Իջուցանել 'ի գերեզման ,
 Ո՛հ դու , դուստր իմ , անհաւան :
 Ո՞քեզ ուսոյց անկուշէլ դից ,
 Եւ ըզքո կեանս վիրալից
 Անցուցանել 'ի խաւարչաին
 Յայս յանձուկ բանտ և մըթին :
 Ահա հայր քո 'ի ցամանէ
 Գուցէ ըզքեզ վախճանէ .
 Ո՞ ինձ լիցի յայնժամ զաւակ ,
 Սիրոյս արժան անապակ :
 Լ՛ուր , Քրիստինէ , տես յի՞նչ սպայման
 Զտիկինս ածեր սալատան .
 Քեզ արքունիք մընան չըքեզ ,
 Եւ ճոխուլթիւնք բազմազեղ :
 Եկ , Քրիստինէ , եկ երթիցուք ,
 Յայս մի օթեր բանդ անձուկ ,
 Եկ 'ի գիրկս իմ , դուստր իմ չըքնաղ ,
 Թող զայդ աղանդ գիւաբախ ,
 Քեզ թագազարմ ժիր սարմանիք
 Ի քո մընան հարսանիք ,

Ի քո տեսոյդ մի զիս զսկեր ,

Ես քո մեռայց առ ընթեր » :

« Մի զիս կոչեր , մի զիս , ասէ ,

Ոչ քո գուտար է Քրիստինէ .

Զայս սուրբ անուն զորոյ կրբեմ ,

Խաչեցելոյն ձօնի եմ .

Երկնեցեր զիս , շքնորհ ունիմ ,

Այլ ոչ ծընող դաւանիմ .

Աւանդ էր ինձ , թէ ես կայի

Ի քո կրթօնս սատանի :

Եմ ես պարգև , ոչ քոց դիւաց ,

Այլ որ զաշխարհս զայս հաստեաց .

Նորին եմ ես , երկիր 'ւ երկին

Ըզնա Աստուած դաւանին :

Նա զօրացոյց զայս զիմ բազուկ ,

Ըզձեր պաշտօնդ չարաշուք

Ջնջել յերկրէ , և ըզդիս ձեր

Ի սայր արկեալ 'ի սակեր :

Գազանք վայրի են երջանիկ ,

Զի գուք ըզքար դաւանիք ,

Նոքա անբանք զէն ճըմարիտ .

Ըզձեր հընարդ ո՞ եգիտ .

Մըտաւորաց չիցէ ամօթ ,

Որք ձեր ձեռաց են կարօտ ,

Եւ որք 'ի ձէնջ ըստեղծանին
 Իբրու Աստուած սաշտեսցին :
 Զոսկեձեղուն քան ըզսալատ
 է ցանկալի ինձ այս բանս .
 Անտի 'ի ծոց գահաՎիժին
 Սանգարամետս 'ի վըհին ,
 Աստի յեթերս սուրբ նահատակք
 Ինձ կազմեցին վերելեակ :
 Եմ խանգակաթ իմ փեսային ,
 Ոյր առագաստ է երկին .
 Ըսպիք վիրաց զոր ընկալայ ,
 Ինձ ծիրանիք բիւրակնեայ :
 Ոչ ելանել ես 'ի բանտէս ,
 Այլ 'ի մարմնոյս ցանկամ ես .
 Հեղից զարիւնս զայս համօրէն ,
 Ապա երկինք զիս առցեն :
 Եւ թէ ցանկաս դու գալ ընդ իս ,
 Դիւասպաշտից թող ըզդիս :
 Յաշխարհի աստ մեծ են վըտանդ ,
 Եւ սակաւ ինչ մեր այս կեանք .
 Ի վախճանել նոր կեանք կըշռին ,
 Փառք և տանջանք ոչ փոխին) :
 Տեսեալ Նիկեայ ըզմիտան անգարծ ,
 Եւ զի բանիցն ոչ անսաց ,

Զի մի գուցէ և զինքն որսայ
 Իմաստութիւն Քրիստինեայ ,
 Սրտիւ թախիծ չոքաւ 'ի տուն :
 Բայց Քրիստինէ կայր կանգուն .
 Անդէն Կիզէս գոյժ 'ի բերան 6
 ԸզՍեւինեայ ըզմահուն
 Աճապարեալ առ նա եհաս
 Ըզմեծ պատմել պատուհաս :
 « Մինչ Սեւինէ ընդ քո վիճակ
 Տխրեալ նստէր 'ի սենեակ ,
 Լալով գոչէր « Կոյսն է անպարտ
 Հօրն ցասման տարապարտ » .
 Բանից սորա չըհանդուրժեալ
 Ընկերք նըմին ռխակալ ,
 Մատնեն ըզնա Ուրբանոսի ,
 Ասելով թէ « Հաւաստի ,
 Իշխանդ , գիտեմք ըզՍեւինէ
 Առ գործակից Քրիստինէ
 Փըշրել ըզկուռս , և աղքատաց
 Զոսկին զարծաթ սա բաշխեաց » :
 Հըրէշ վայրագ չետես Տիւրոս
 Որպէս յայնժամ զՈւրբանոս .
 ԸզՍեւինէ ետ նա դահճաց
 Մատնել ահեղ տանջանաց ,

Եւ մի, ասէ, բընաւ թաղէք .
 Ըզգի նորին ընկեցէք
 Յանապատի գազանաց գէշ,
 Վաղիւ լուցցէ դիցն ըզվրէժ
 Եւ Քրիստինէ ապերասան
 Յասմանս ուսեալ ըզպայման :
 Ես, Քրիստինէ, մինչ տանէին
 ԸզՍեւինէ առ ահին
 Ի գոյն դալկան հարեալ տեսի,
 Որ պաղատէր ողբալի
 Ածեւ ըզնա նախ քան 'ի սպանդ
 Առ սիրեւին իւր 'ի բանդ .
 Այլ պաշտօնեայք դրժոխադէմ
 Ընկրկեցին յետս ընդդէմ,
 Եւ 'ի տանջանան ըզքեզ կոչէր,
 Մըխիթար որ նըմին չէր :
 Անդամ անդամ յօշատեցին
 ԸզՍեւինեայ ըզմարմին
 Իբրև գազանք արեանարբու,
 Մարդկան ազգի ահարկու :
 Ըզմահ լուեալ ըզՍեւինեայ,
 Ի դրան բանդին թալկանայ .
 Զուր զովարար անդէն Վիղէս
 Ի Քրիստինեայ արկ յերես .

Յանձին եկեալ Քրիստիանէ ,
 Եւ զի անդէն շատ յամէ ,
 Ճեպեաց ըզնա երթալ անտի ,
 Ձի մի իւր հայրն իմասցի .
 Ինքըն նստեալ անդ միայնակ
 Հեղոյր արտօսը անուշակ .
 « Քեզ Սեւինէ աւանդ , ասէր ,
 Ձի քոց ըղձից ոչ հասեր 7 :
 Ահ , արիւննուշտ դահիճք գըժնեայ ,
 Դուք կորրստեան Սեւինեայ
 Դուք էք պատճառ . 'ի ձեր ձեռաց
 Նա ճողոսպրէլ ոչ կարաց :
 Քեզ վա՛շ եղո՛ւկ իմ Սեւինէ ,
 Ի զուր ողբայ Քրիստիանէ .
 Ոչ կրկնեսցեն լերինք անձաւք ,
 Ձիս ընկճեցին սիրոյդ ցաւք :
 Ո՛րպէս անսայր իմոց բանից ,
 Մինչ պատմէի ես զերկնից
 Եւ զԱստուծոյն իմ ճըշմարտէ ,
 Յոգւոց հանէր 'ի սրբոսէ :
 Սա դիւրընտէլ սիրտ ըզգայուն
 Յանձին կըրէր սիրասուն .
 Սա 'ի վիշտս իմ , սա միայն էր
 Իմոյ անձին քաջալեր :

Յորչափ երկրի հնչեն ամուռնք
 Յովկիանու մրկանուռնք,
 Լէրինք յաւէժք և ձիւնապատ
 Յորչափ ծրփեն զանապատ,
 Լացցեն ըզքեզ, իմ Սելինէ,
 Կաթիլք ամբոց 'ի յերկնէ :
 Հասարակաց երկիր շիրիմ
 Փակեաց ըզգուծն ոխերիմ :
 Դեզ գալարի մի ընձիւղին
 Արիւնացայտ 'ի տեղին,
 Ուր յագեցան գազանք վայրի
 Արեամբ մարդկան ծարաւի :
 Գող լայնեցաւ քոց թշնամեաց,
 Իջեր յաշխարհ ստուերամած,
 Ուստի չիք գարձ 'ի հայրենիա,
 Եւ այլ ոչ ևս տեսցես զիս :
 Ոչ բաւեսցեն խոխոջք գետոց
 Ըզքոյդ մեղմել սրտիդ բոց .
 Ովկիանու ոչ յաղթ կոհակք
 Տարտարոսին ըզկրրակ :
 Որ ըզմայրիս դուք տասպալէք,
 Ահեզ հողմուռնք, ո՞ւր իցէք,
 Լերուք նըմին դուք զովարար,
 Ազեկիզեն նետք հրավառ :

Ո՛հ, ողբացէք տարերք ընդ իմ,
 Ես ՚ի նանիր նրկըրոսիմ,
 Ձի արդ կորեալ իմ սիրելին
 Յանդարձ կորուստ ցաւագին .
 Մուժ արհաւիրք զեղան զնովալ,
 Յաւէրժ յամայր նա կորեալ .
 Չայն լալօնից հարցեն մայրիք
 Եւ բարձրաբերձ յաղժ կազնիք .
 Թէ հողմք շնչեն ՚ի մուայլ յամպոց
 Իմ Սեւինեայ լիցին կոծ :
 Այլ ես ըզքեզ օրհնեցից, Տէր,
 Չանձն իմ ցաւած կորզեցեր
 Յաւիտենից ՚ի մահուանէ,
 Անձն իմ առ քեզ ցնծասցէ ” :

Մինչ թալկացեալ նա նըւաղէր,
 Բանդին որմունք նըշողէր,
 Իջեալ հրեշտակ զի ըսփոփէ
 Ըզսիրելին Քրիստինէ,
 Տնօրինականսըն տայր ՚ի նկար
 Գեղեցկաթոյր և ճարտար,
 Չանուանս գըրեալ ընդ նրկարիւ
 Աստ անդ գընէր նա ցըրիւ :
 Անդ տեսանէ մանուկ մատաղ,
 Արփիատիս և չըքնաղ,

Պատեալ յաղքատ 'ի խանձարուր
 Եւ յանբանից 'ի մըսուր ,
 Մերկ 'ի զգեստուց մըրսեալ դողայր
 Յանպատրաստար 'ի քարայր .
 Խանդաղատէր և մայր նորուն
 Կոյս օրիորդ երկնասուն :
 Երկրպագու նըմին հովիւք
 Գետնամածեալ կան անթիւք ,
 Անդ սիւն հրեղէն կախեալ յերկնից
 Եթեր վերուստ աստղալից
 Լուսաւորէր զաղքատին յարկ
 Եւ զօթևանն այն անարգ :
 Մեծ աւետիք հասարակաց
 Գունդ լուսերամ հրեշտակաց
 Զեկեալ հասեալ զերկնից արքայն
 Աւետէին քաղցրաձայն .
 Եւ թագաւորք երկրրպագու
 Տիեզերաց ասարկու
 Անդ 'ի գետին մանկան աղքատ
 Զարքեան հակեն ըղձակաա ,
 Պարգևս հանեալ առատաատուր
 Ոսկի արծաթ և զըմուռ :
 Զուարթունն այսպէս կարգ լի կարդի
 Ըզվարս Փրկչին հրաշալի

Ճարտարարուէստ նրկարագրէր
 Ի գիր մատանցն անըստուէր :
 Ընդ կիրս փրկչին չարչարանաց
 Զուարթնոյն աշխոյժ փափկազւած ,
 Կենդանատիպ գիրգ տեսարան
 Կուսին առնէր յանդիման .

Ոյր արտասուք մարդարտահատ ,
 Սրտին զեղուած խանդակաթ ,
 Կիտուած սրփռէր 'ի դէմս աղջկան
 Զերթ ցօղն 'ի վարդ կարմրերփեան :
 Անդ տեսանէ ըզՏէր փառաց
 Անկեալ 'ի ձեռքս դահճաց
 Եւ մերկացեալ 'ի հանդերձից ,
 Պրսակ 'ի դլուխ փրշալից ,
 Յարիւն ներկեալ բոսորաբուղն
 Զաստուածայինն ըզգըլուխ .
 Անդ ըզՓրկիչ կապեալ 'ի վէմ
 Գունդ զինուորաց դժոխագէմ ,
 Անդէն խուժեալ վերայ նորին
 Եւ անողորմ ձաղկէին :

Պատառք մարմնոյն տէրունական
 Օգապարէր ցիր և ցան ,
 Արիւնն հոսեալ վըտակօրէն
 Թանայր զյատակն համօրէն :

Այլ տեսարանն կուսին բացաւ
 Գորովաղէտ զառաջեաւ .
 Պարան 'ի յուլըն Յիսուսի ,
 Եւ փայտ ըստուար 'ի յուսի ,
 Ի սայր տանէր մեծ Գողգոթայ ,
 Ի բլուր սիրոյն գերակայ :
 Այլ կըթոտին ծունկք տերունւոյն
 Դըժուարընթաց 'ի յուղոյն .
 Չաղկեալ քարչէն գըժնեայ դահիճք ,
 Եւ սայրասուր անդէն խիճք
 Պատառոտեալ ծընգացն ըզմորթ
 Ներկէր ըզհողն յարիւն յորդ :

Այլ տեսարան . բազկատարած
 Պըրկեալ 'ի փայտ զէնն Աստուած ,
 Եւ բեւօք հաստահեղոյս
 Բարձրացուցին 'ի գահոյս :
 Իսրայէլեան այգւոյն մըշակք
 Չայս կանգնեցին յաղթանակ :
 Այլ չհանգուրժեալ արեգական
 Ընդ գործն ընդ այն անարժան
 Չակն իւր կափոյց զի մի տեսցէ ,
 Եւ լուսաւորքն 'ի բարձուէ
 Երկիւղալից և դալկահար
 Շողան նըսեմ 'ի կամար :

Անդ Մարիամ կայր մեկուսի
 Ընդ սիրեւոյն Յիսուսի •
 Անդէն ճեղքեալ զդաս զինուորաց
 Առ Միածնին մօտ եկաց :
 Անդ էր դիտել ցաւոց թարգման
 Դիմաց ըզգոյնն ըզգալկան :
 Գոչումն ասէր ՚ի քառաթե
 Յաստուածորդւոյն լուր եղև ,
 Սինք շարժեցան հողադընդին ,
 Շիրիմք ՚ի դուրս ժայթքեցին •
 Միոյն մահուամբ մեծ աւարաւ
 Մահուն սրահակ յագեցաւ ,
 Այլ ըզլիթուն զինաւորաց
 Ըզքէն թափել ոչ կարաց :
 Մի ոմն անդէն ըզտէգն եհար
 Յանշունչ մարմին դալկահար •
 Բոսորաբուղև արեան վըտակ
 Յայտեր կողէն հրակայլակ :
 Քրիստիանէ աստէն անկաւ ,
 Խըթեաց Չուարթունն և սլացաւ :
 Յոտին եկաց , « Այս բանդ նըսեմ •
 Ո՞ւր այն խորան լուսաճեմ •
 Ըսքանչեղիս անճառ տեսի ,
 Աստուած մեռեալ ՚ի խաչի :

Եւ զի՞նչ 'ի մէնջ նա կարօտէր ,
 Որ ընդ աջմէ Հօր նստէր ,
 Որոյ լի են երկինք երկիր
 Աջոյն բաշխմամբ շնորհածիր :
 Ընդ իմ մեռաւ տարապարտուց ,
 Ես սլարտաւոր բիւր մահուց ,
 Ահեղ տանջանք , ո՞ւր են դահիճք ,
 Հուր սուր խայթոց և քերիչք :
 Մեռայց ես , Տէր , մարտիս զհանդէս
 Ընդ սիրելեացդ ընկալցես .
 Հրավառ ուղիսից թէ գետք յորդեն ,
 Առ հուր սիրոյդ ոչինչ են :
 Վէմք ասառաժք քն բորբոքին ,
 Եւ յիմ հարաւ բոց սրտին .
 Տէր , յարգանդէ զիս դու ծանեար ,
 Ըզքեզ օրհնեմ անդադար .
 Ո՛ր զիս առնէր քեզ խաչակից :
 Զո՞ր ես տրխտուր հատուցից
 Սիրոյդ փոխան , ո՞վ Աստուած իմ ,
 Ես թող այժմէն ճենճերիմ" :
 Աստուածային տարփմամբ սիրոյ
 Եւ բռնութեամբ գիշերոյ
 Անկաւ 'ի վայր , և նինջ քաղցրիկ
 Կափոյց զաչկունսն աւանիկ :

Իմ լուեսցէ արդ բամբ լարից
Կարկաջ անշուք Կամենից 8 ,
Վաստակաբեկ Թող Գրխափնէ
Անոյշ 'ի քուն նիրհեսցէ :



For the purpose of the present work, the following are the principal results of the experiments conducted by the author, and which are here presented to the public.

The first result is that the force of gravity is not affected by the presence of any other body, and that it is the same in all directions.

The second result is that the force of gravity is proportional to the mass of the body, and that it is the same for all bodies of the same mass.



The third result is that the force of gravity is proportional to the square of the distance from the center of the Earth, and that it is the same for all bodies of the same mass.

The fourth result is that the force of gravity is proportional to the inverse square of the distance from the center of the Earth, and that it is the same for all bodies of the same mass.

ՊԱՏԿԵՐ ԵՐԿՐՈՐԴ ԵՐԳՈՅ

ՊԱՐԲ հրեշտակաց, յորմէ զարհուրեալ սաղայէլ գումարէ զիւրսն. Բաալ սպարապետ դիւագոունդ զօրաց յանձն առնու իւրովքն ելանել յասպարէզ ընդ կուսին. զարթնու Քրիստինէ և կայ յաղօթս: Գայ Կիլէս աւետել կուսին զփոխել հօրն 'ի խորհրդոցն. գալուստ մօրն, բանք նորա սլատիրք, սլատասխանի Քրիստինեայ: Առեալ տանին զնա դահիճք յանդիման Ուրբանոսի. բանք հօրն և դարձուածք կուսին. դնեն զնա 'ի նաւ յուղարկել: Բաալ հրաման տայ իւրայոցն. ալէկոծութիւն, և աղօթիւք Քրիստինեայ հանդարտումն. սլատերազմ դիւաց ընդ միմեանս մի ոմն 'ի նոցանէ փախուցեալ 'ի խորշս տարտարոսի ողբայ զիւրնախկին վիճակն և կորուստ: Ժամանել

նաւին 'ի կղզին , գիշերել նորա անդ ,
 և 'ի շրջէնն ընդ ավին ծովուն հանդի-
 պեալ ալէկոծեալ նաւու ելանէ 'ի
 նա . յանկարծ մտեալ 'ի տուն պատմէ
 զպայման գալստեան իւրոյ անգր . զայ-
 րոյթ հօրն . տանջանք և առաքումն 'ի
 բանդ . աղօթք կուսին և երևումն հրեշ-
 տակի , և ողջացուցանել զվերսն և կե-
 րակրել , և գոհուածին նորա առ Աս-
 տուած : Առեալ տանին զնա , զի արկ-
 ցեն 'ի ծով . բանալ երկնից . աղօթք
 կուսին 'ի վերայ միանանց ծովուն ,
 և մկրտուածան փափաքանաց կատա-
 րումն 'ի տեառնէ : Լսէ հայրն , ածէ 'ի
 տուն , հրապարակասօսուածին նորին ,
 առաքի դարձեալ 'ի բանդ , զի գիշեր
 էր : Ուրբանոս գիշերատանջ լեալ 'ի
 հրեշտակաց , փչէ զգառնացեալ ոգին :
 Ողբք :



ՎՐԻՍՏԻՆԵԼԻՆ

Ե Ր Գ Ե Ր Կ Ր Ո Ր Գ

ՄՈՒՍՍՅՅԻ անմահ, որ 'ի պարու-
Սուրբ ակրմբիցն դասու,
Վէհ դասապետ մեծահռչակ
Սիրեցելոյն զյաղթանակ
Յանլուր քննար հնչեցուցեր
Յեղեալ 'ի լոյս ըզգիշեր,
Եկ առ ընթեր նիստ իմ քնարիս,
Քև հնչեսցէ տասնաղիս:

Հասարակաց ոչ ննջէր քուն
Իմ Քրիստինէ զըւարթուն,

Երաժշտաց սուրբ գումարտակ
Ակումբ առեալ քաղցրանուագ ,
Բանդն այն նըսեմ կազմեալ եթեր ,
Բախք նըւագաց զայս հնչէր .

« Անընկճելի և գեր տարերց
Տըկար մարմին դիւրահերձ ,
Վէհինն 'ի քեզ , 'ի քեզ վէհին
Մեծ զօրութիւնք նշմարին :
Երկնասպարգև հանճար մարդկան
Բնաւից 'ի գիւտ բաւական ,
Անյաղթ տարերց արկանէ սանձ ,
Նոցին գըտեալ վէհասպանծ :
Ընդվայր ռիսայ փիղ վիթխարի ,
Ընդվայր առիւծ ամեհի
Բաշ վերառեալ ահագնեսցէ ,
Մարդ քան ըզնա հըզօր է .
Այլ քան ըզմարդ կամք աննըկուն
Յաղթէ մարդկան հանճարոյն ,
Կըշիւ հանդէս մենքենայից
Դընէ զմարմին վիրալից :
Թէ քայքայի հիւսուած նորին ,
Պահեալ ըզկամս իւր Հաստչին ,
Անգըծելի ըշտեմարան ,
Աւանդապահ զօրութեան ,

Առեալ տանի 'ի Թևս Հոգւոյն ,
 Հանգչի 'ի ծոց Բարձրելոյն :
 Ո՛հ բաշից Տէր , հետոցդ կընկթ
 Ի գահոյից սփռեալ ձիգ ,
 Ի յանդընդոց առեալ ըզձեռս
 Շարես յաստեղս 'ի յեթերս ,
 Անտի 'ի վիհ խորասուզես ,
 Յուցեալ բազկացդ ըզհանդէս :
 Վտարանջէլոցն 'ի քէն գու Տէր
 Ըզգասս յերկնից մերժեցեր .
 Թօթափեցան վէս գումարտակ
 Զանդունդս առեալ նըպատակ ,
 Զի մի նըլազ չափ սահմանի
 Ըսպասարկուացդ եղանի ,
 'Նոր արարած արտակիտեալ
 Քո անդընդոցդ 'ի մըռայլ ,
 'Նախանձեղի եդիր ըզնա
 Հանուրց գոյից գերակայ :
 Քոյինատիպ դրոշմեալ ըզկաւ ,
 Ի քո պատիւ հողն առաւ .
 'Ներէլ մեղաց գիւրին էր քեզ ,
 Այլ զօրութեանդ ըզհանդէս
 Ուսցուք 'ի քէն , մի յողըն կալ
 Քոյոց բազկաց դէմ կացեալ :

Լի էս փառօք , և ոչ փառաց
 Այլ ընդունիս յաւելուած .
 Եւ աննախանձ է քո սլարգև
 Ամենասփիռ քան զարև ,
 Դու քաջալեր հանդիսատես
 Ըզքոյսդ ածեալ յասսարէս ,
 Թագ բոլորես 'ի գլուխ նոցուն ,
 Փոխան ճըգանցն անկայուն ,
 Ի զօրութիւն քոյոյ բազկին
 Շահատակեալ 'ի նոսին :
 Արդ Քրիստինէ , ժամ է զարթիր ,
 Աջ Ամահին մարտադիր
 Կըշուէ 'ի գլուխդ յաւերժ սլրսակ
 Դոյզն այս վըշտաց փոխանակ :
 Ահա դիւաց ըսսասեն քեզ
 Ելեալ փաղանգ 'ի կրրկէս .
 Եւ երկնաչափ քեզ մենքենայ
 Հանդէս նոցուն կանգնեալ կայ :
 Շնչեսցէ Տէր , և 'ի մօտոյ
 Աւերակացն 'ի վերոյ
 Անցեալ կացցես քաջ վերելեակ
 Տիեզերաց նըշաւակ .
 Հասա և մէք 'ի սլար անցցուք ,
 Մերոց դասուց օրհներգուք

Ահա շեփորք յեթերս հընչեն » .

Զայս ասացեալ սաւառնեն :

Սուրբ Սիոնի Մուսայք հրաբուն ,

Դուք ըզմատունս գողգոջուն

Զօրացուցէք յիմաստ 'ւ 'ի բան ,

Տաղիս նստեալ ոստիկան ,

Զի ըզգործի երգեմ վեհին ,

Զոր առ ճարտար 'ի ձեռին ,

Անօթ կոփեւ զարդ գեղանի

Իւր պալատան արժանի :

Գործի կոփեալ 'ի տարտարոս ,

Չես դու արժան , Ուրբանոս ,

Իմոյ տաղիս կալ նըպատակ

Կորզեալ յինէն մըրցանակ .

Զի ճարտարին վարեւ ըզքեզ ,

Նորա աջոյն է հանդէս .

Հապա և իմ իղձ նըւագի

Նորուն 'ի սպաս խառնեցի :

Տէր , քո գաղտնի են դատաստանք ,

Ինձ 'ի քննեւ բազմավտանդ .

Մըտաց ըզթևս ամիփեցից

Քոց հեռեալ ընթացից :

Ըզքեզ կալեալ , ո՛վ Պահանորդ ,

Ուղւոյս անհետ առաջնորդ :

Մինչ զըւարթնոց սուրբ գումարտակ
 ԸզՔրիստինեայ մըրցանակ
 Ի զօրութիւն վեհ արքային
 Յաշ խոյժ 'ի սիրտ երգէին ,
 Ձահի հարեալ թէ յաղթեցաւ
 Տարտարոսին իշխան սեաւ
 Հնչեաց շեփոր , գումարեցան
 Մըրըկայոյզ 'ի յատեան ,
 Իբրև տերեւք յուժգին հողմոյ
 Ծըփեալք յայերս աշնայնոյ :
 Լըւարուք ինձ , գոչէ , ո՛վ քաջք ,
 Ձեր խակ այսօր տեսին աչք ,
 Ձի գլաղթանակ մարտ վըկային
 Գունդք անմահիցն երգեցին ,
 Այսօր լըւեալ յՈւրբանոսէ
 Թէ զկեանս վաղիւ վախճանէ :
 Ախոյեանք քաջք , լըքայք ընդէր ,
 Ո՛ւր իիզախմունք նախկին ձեր .
 Այլ մի եթէ զէնք բըթացան
 Ձեր դաւանաց բազմազան ,
 Եւ գոյզն աղջկան գիրգ և արկար
 Մեզ յաղթեսցէ բազկին կար .
 Խորհըրդականք , է՞ դք 'ի ձէնջ ,
 Որոյ իցէ փառաց տենչ ,

Եւ իմ երկրորդ նստել յաջոյս
 Յարքունականն 'ի դահոյս ,
 Անցցէ 'ի մէջ իւրովքն հանդերձ :
 Քան ըզխազալ ընդ տարերց ,
 Նոցին խառնուրդ դոյզն այս զանգուած
 է աննրկուն քաջ բազկաց :
 Զի կամք վէճին որ յաղթեաց մեզ ,
 Նոյն ընդ սորա ել հանդէս :
 Ճախրեաց Բաալ ստամբակ գնդաւ ,
 Ասարապետ դիմագրաւ ,
 Ճակատ ուղլեալ ուժգին գոչէր ,
 Ահա կայի ես , յիս Տէր .
 Մի ըզվաստակս իմ մոռանար ,
 Զի իմ դաւանք բազմահնար
 Ածին ընդ քեւ ըզսիրասուն
 Մին յընտրելոցն իւր դասուն
 Նորին գրկաց թափեալ ըզնա ,
 Որում թափուր դահն է վկայ .
 « Այս Աստուծոյ աւար թափեալ »
 Ոյր 'ի ճակատ կայ գրոշմեալ :
 Ո՞չ նոյն բազուկ զամենայաղթ
 Ճակատագրեաց ինձ ըզբաղդ ,
 Եւ գոռ փաղանդ չիցե՞ն սոքին ,
 Ոյց յաղթանակք սաւառնին

Աստ 'ի գաւթիս վե՛հ սալատան
 Քեզ իշխանիդ նուիրական .
 Ոչ ինչ մաղթեմ այլ մըրցանակ ,
 Ոչ արքունի գահ և թագ ,
 Այլ 'ի վերայ սեմոց դըրաց
 Ոսկեքանդակ զայս կիտուած .
 « Յաղթող բաղկին վե՛հ Բաալայ
 Քրիստինէ աստ է վըկայ ,
 Թիւ ընտրեւոց թերի կացցէ
 Յորչափ Բաալ անմահ է » :
 Զայս ասացեալ լըռեաց անդէն .
 Վազեաց իշխանն 'ի գահէն ,
 Ըզբաալայ առեալ զաջոյն
 « Երգումն ասէ լիցի սոյն .
 Դարձցի յաճիւն նըւիրական
 Այս գահ վե՛հիս հանգըստեան ,
 Եւ իմ նստեալ հանգէս մոխրին
 Յաւք հեծութեանս բազմասցին » :
 Սարսեաց դըժոխք թնդմամբ մեծաւ ,
 Ատեանն իսկոյն ցրուեցաւ :
 Ճեպեաց Բաալ յասպար մըկունդ
 Զիւր ըզբանակ դիւագունդ ,
 Յերկիր խաւար գետ ընթանայր
 Հըրոյ գողցես 'ի տիպար :

Մինչ Ուրբանոս նստէր գահոյս
 Ի գիշերին խռովայոյզ,
 Ձի ոչ եգիտ 'ի սիրտ նորուն
 Ձիւր օթարան քաղցրիկ քուն,
 Տեսիլ ահեղ յանկարծակի
 Աչաց նորին հարկանի,
 Գունդ լուսազգեաց զինավառեալ,
 Յորոց միջն կայր Բաալ
 Աստուածատիպ և ահաւոր
 Հեծեալ 'ի ձի թևաւոր .
 Թռուցեալ եկաց հուս պռ նրմա,
 Կըչուեալ ըզսուրն ըսպառնայ,
 « Ոչ վնասարգեան ըստեղծին դիք,
 Ոչ զաղեաց շար պըղընձիք .
 Մի մեղիցես օրիորդին,
 Եւ մի կացցէ 'ի բանդին .
 Այլ հեռաւոր 'ի կղզի մի,
 Անդ ճողոպրեալ ասրեսցի .
 Ապ' եթէ ոչ, մեռցիս մահու
 Մինչ չև ծագեալ արևու » :
 Ձայս ասացեալ հանդերձ գնդաւ
 Յայերս 'ի վեր սրացաւ :
 Իսկ Ուրբանոս յահէն 'ի վայր
 Ի գահոյիցն անկեալ կայր ,

Զողջոյն գիշերն հարեալ դիւէն
 Փրփուր ժայթքէր 'ի սրտէն .
 Եւ արհաւիրք 'ի տան հնչէր
 Չայնից բովելնք զայն գիշեր :
 Բայց Քրիստինեայ շրթանց քընար ,
 Քերովքէիցն 'ի տիպար ,
 Չև արփենւոյն պարզեալ յերկիր
 Փառացն ըզգեղ լուսասփիռ ,
 Զառաւօտին պաշտէր նըւագ
 Վերառաքեալ զայս գըրուագ .
 « Երկրրպագեմ , Տէր , 'ի սրտէ ,
 Դու ընաբեցեր յարգանդէ
 Զիս Բարձրելոյդ երկրրպագու
 Յեշ և 'ի մուտս արևու .
 Չև լըրացեալ շրջան արփւոյն ,
 Նըւիրական սեղանոյն
 Բոց ջահեսցի , պաղատիմ , Տէր ,
 Ողջակիրզիս անձնանուէր :
 Որ զիս թափեալ աւար խաչիւ
 Երկնից հաներ 'ի պատիւ ,
 Այսօր հանցես բանդէ մարմնոյս
 Մաղթեմ 'ի քէն , Տէր Յիսուս » :
 Զայս ասացեալ յերկիր խոնարհ
 Գեանամաճեալ կայր յերկար :

Բայց Կիդէսի մըտաց խորհուրդ
Եւ ոչ սրտին հանգչէր գուլթ .
Ճեպեալ եհաս 'ի տուն բանտին
Աւետաբեր լեալ կուսին :
« Ո՛հ Քրիստինէ , այսօր ընդ քեզ
Զխորդ փուլթամ խօսել ես .
Աստուածք տեսլեամք Ուրբանոսի
Երևեցան գիշերի .
Անգըլթուլթիւն սրտի նորա ,
Իբրև մետաղ 'ի քըրայ ,
Հալեալ լուծաւ յերագահաս
Յարժանակշիռ սլատուհաս :
Երկինք համբուն ընդվայր գուան ,
Ոչ շանթ թափի կայծական ,
Թէ չակնարկէ վեհն Արամազդ
Յօնիւքն իւրովք մեծասաստ ,
Յասումն ընդդէմ առաքինւոյդ
Զաստուածս անգամ ած 'ի գուլթ :
Թէ գու ըզմայր քո Յանիկէ
Տեսանէիր , Քրիստինէ ,
Յանմահուլթիւն փոխեալ գոգցես ,
Որպէս այգուն տեսի ես .
Տրխուր ասէր զայս կըշուեցին
Փոխան ցաւոց իմ սրտին .

Զինչ փոխարէն ես անմահից
 Այս երախտեաց հատուցից :
 Եւ արդ կանխեալ ճեպի այսրէն ,
 Զի զքեզ հանեալ 'ի բանդէն ,
 Պըսակազարդ քե 'ի մեհեան
 Տարցի նըւէր գոհութեան " :

Բանքն 'ի բերան մինչ դեռ էին ,
 Եհաս անդէն մայր նորին ,
 Կենդանութիւն ցայտէր յաչաց
 Գեր քան զօրէնս մահացուաց .
 Աշխուժալից և սրտին վառ
 Վարէր 'ի դուրս զայս բարբառ :
 « Որդեանկ իմ , քաղցրիկ որդեակ ,
 Քեզ կըշուեցին մըրցանակ
 Հանուրց յաղթող աջ անմահից ,
 Բիւր արժանի համբուրից .
 Սիրան է նոցին բուրվառ խնկոց ,
 Եռանդ մըտաց ասորժ բոց .
 Ոչ 'ի հնչիւն ձայնից Աստուած
 Եւ ոչ հաճի թիւր կարծեաց :
 Կարծիք մոլար հարան 'ի քեզ ,
 Կարգալ զԱստուածս յաստարէզ .
 Այլ արդ գիտա , զի հաշտ ահամբ
 Յերկնից նստեալ սպասըզգամբ

Հային 'ի քեզ յերկրորդադուս
 Եւ ոչ իբրև յանարգուս ,
 Մի աննըւէր երևեսցիս
 Յայս վայելեալ երախտիս :
 Արդ կակղացաւ սիրտ ապառուս՝
 Դըժնէամիտ ծնողին քում .
 Եկ երթիցուք ձօն գրկալիւր
 Ընդ մեզ առեալ և նախիր ,
 Հանել նըւէր և սպանդ զո՛հից
 Մեր բարերար Անմահ գից ” :

« Խաբիս խաբիս , ոչ Քրիստինէ
 Գայցէ ընդ քեզ , Յանիկէ .
 Զխորդ , աւանդ , դեռ չիմացայք ,
 Զի քաղցր են ինձ այս չըլթայք .
 Եւ ճշմարիտ յաղթանակի
 Քրիստիանէ ակն ունի :
 Ոչ զոր կըշուեն դեք և աշխարհ ,
 Որք ձեզ թուին բարերար ,
 Այլ զոր ձօնէ Տէրն Եթերին
 Փառք անկապուտ այն լիցին :
 Ուրբանոսի մտցեն 'ի տուն
 Սանդարամեայ թէ համբուն ,
 Զիս հըզօրին յանյաղթ ձեռաց
 Ոչ կորդեսցեն ջուկք գիւաց .

Նախանձեցան ընդ սերճ՝ սլրսակ
 Ինձ բողորեալ մըրցանակ ,
 Եւ համագունդ լարեալ թակարդ
 Որսալ ճըգնին տարասարտ :
 Ա՛հ , այսօր իսկ բոսորաբուխ
 Ծիրանազգեաց թագ 'ի գլուխ
 Թևապարեալ յերկինս յերկրէ
 Տեսանէիք զՔրիստինէ ,
 Թէ սատանի արգելեալ չէր
 Ահեղ գընդաւ զայս գիշեր
 ԶՈւրբանոսի զայրոյթ սրտին .
 Զաջն համբուրեմ Յիսուսին ,
 Որ զիս թափէ կըռուեալ ընդ իմ
 Ընդ թշնամիան ոխերիմ ,
 Եւ որ բանայ նոր ասպարէս
 Իւր զօրութեանն 'ի հանգէս ,
 Զիս սրակաւոր յարքայութեան
 Ճեմեցուցեալ յաւիտեան " :

Յաւարտ բանիցըն Քրիստինեայ
 Ազք հասանեն հինգ դժնեայ .
 Շըջապատեալ ըզկոյսն ամբիծ ,
 Զերթ գիշախանձ բազէից
 Յանգութ մագիլս անմեղ տաարակ
 Անկեալ նոցուն 'ի ճարակ :

Վարեալ տանին անդէն յատեան
Իւր ծընողին յանդիման :

Անդ Ուրբանոս ժըպիտ գիմօք

Բանիւք փորձէր բազմամոք ,

« Կաջիր , ասէ , շնորհ աստուածոց ,

Որով շիջաւ սրտիս բոց .

Ըզքո արիւնդ ժանտ և զազիր

Մի ծըծեացէ այս երկիր .

Սահմանդ լիցի ովկիանոս

Եւ մի մոցես յՈղիւմսոս , ¹

Ծարաւատանջ սովալըլուկ

Կեանս վարեացես չարաշուք ,

Եւ յաւազուտս ովկիանու

Պայքարեացիս ընդ մահու :

Աւէք հապա , տուք 'ի նաւակ ,

Չէ Քրիստինէ իմ զաւակ .

Որ Աստուածոց չառնէ պատիւ

Մի լուսասցի նրմա տիւ » :

« Ո՞ր Աստուածոցդ , աղէ ասա՛ ,

Եւ ո՛յարգի 'ի սոսա :

Վայր աստուածոց սանդարամեոք ,

Անհետացին նոցին ճէտք ,

Ոյք ցանեցին զայս պիղծ աղանդ

Ընդ տիեզերս աստ և անդ :

Թող եղիցի, ես չերկրն չիմ,
 Ով կիանոս իմ շիրիմ,
 Եւ կամ կղզեակն այն հեռաւոր,
 Ուր շնչեցից մենաւոր
 Օդ անապակ ընդ վայրենեաց,
 Ոյք ճանաչեն զիմ Աստուած :
 Մահուն երկիւղ զիս, Ուրբանէ,
 Եւ տանջանաց, ոչ պատրէ :
 Հրատոյրք փառաց այս կենցաղոյս
 'Նոցուն ևեթ է խրախոյս,
 Որք այս կենօք յուսացեալ են,
 Բնաւից վախճան զմահն ասեն .
 Բայց ոյր 'ի սիրտ անմահութեան
 Վառի ճաճանչ սրբազան,
 Անցեալ բազմին գեր 'ի վերոյ
 Ի կամս միոյն Աստուծոյ :
 Եկ երթիցուք, զիս տարայք,
 Արգարութեան պաշտօնեայք " :
 « Հապա առէք, զի մի տեսից
 Զանարգուս զայս մերոց գից " :
 Վաղվաղակի առեալ տանին,
 Եւ Քրիստինէ խնդագին
 Ընդ կարճ ուղին զընթացս ուղղէր
 Ակրնկառոյց 'ի յեթեր ,

Երբ դոգ առեալ ետես պատրաստ
 Թըռչարանին զառագաստ ,
 Առ նաւաստին վազեաց խկոյն ,
 Չըւեւ պնդէր վաղագոյն :
 Շնչէր յաջող և հողմ քաղցրիկ ,
 Չեռն արկ ուղղինն 'ի սամիք :
 Կայր 'ի հեռուստ և Յանիկէ ,
 Հառաչելով 'ի սրտէ
 Դիտէր զըննէր զնաւին ընթացս ,
 Թէ իբր յաղթէր մրկանանց :
 « Անիծեալ դիք , դոչէր լեղի ,
 Ձիս արարէք անորդի .
 Ո՛ւր են շանթիք թէ աստուածք էք .
 Կեանք վըշտամբեր չեն ինձ պէտք :
 Անիծեալ ժամ յորում ես լոյս
 Նախկին տեօի կենցաղոյս ,
 Ինձ էր չեղև շքեղ դամբան
 Մօրն իմ արգանդ 'ի սկըզբան » :
 Իսկ Քրիստինէ մերթ գոհանայր
 Փըղձկեալ 'ի սիրտ , և մերթ լայր .
 « Ի հրամանէդ ես ընդ երկնիւք
 Շնչեմ ասէր , Տէր , զայս սիւք .
 Ընդ ընտրելոցրդ պսակազարդ
 Ես ճեմէի յերկինս յարդ .

Բայց եմ հնազանդ կամաց քոյին ,
Որպէս կամիս եղիցին ” :

Քոչուսն յանկարծ յանդընդապառոյտ
Ճեպեաց ըզդես ՚ի մի կոյտ .

Տարտարոսին թնդան սահմանք

Ուժգին փողոցն յարձադանդ :

Որպէս յորժամ բացուստ ՚ի բաց

Բոցք հատանին յամպրոտաց ,

Սապէս Բաալ հասեալ անդէն ,

Շանթք ՚ի դիմաց փայլակէն :

Ի բերանոյն ցայտեն բարբառք ,

Զերթ ՚ի վըհէ ժայռք հրավառք .

« Տեսէք զայդ նաւ սաղապաճեմ

Ի մօտ կղզիս եդեալ դէմ ,

Վըրդովեցէք մըրըրկայոյզ ,

Անհետասցին ջըրասոյզ ” :

Բաղխեն զայերս սրանան հապճեալ ,

Մինչ նաւն երթայր բարեդէալ ,

Հա մըթագնին երկինք վերուստ

Դիզեալ ամպովք լի հարուստ ,

Հա և հողմունք ծայրս արձակէն ,

Զաւազ ծովուն ամբօխեն :

Լեռնակուտակ ալեաց դիզան

Յաստեղատունս ամբառնան

Եւ մերթ ըննաւն 'ի խորս անհուն
 Խորասուզէն յալս ծովուն ,
 Կարկառք ասէղք անտի 'ւ աստի
 Ահաբէկէն զնաւաստի :
 Բայց Քրիստինէ յերկինս 'ի վեր
 Ակրնկառոյց անվէհեր ,
 Բազկատարած մաղթէր առ այն
 Որ գոյացոյց զամենայն ,
 Ոյր զօրութեամբ հաստիչ մատին
 Կան տիեզերք 'ի կարգին :
 Լեռնակարկառ յալեաց վերայ
 Նաւակն իսկոյն պերճ սիգայ .
 Որպէս եթէ հեշտ Ձեփիւռոս
 Առեալ տանէր բազմազբօս .
 Եւ զերթ արծուի 'ի թռիչս անգայթ
 Ալեացն 'ի կոյտ լեռնացայտ ,
 Նա լիաթև ճախրէր ոստնոյր
 Ծաղրեալ զալիսն անհամբոյր .
 Իսկ գունդ գիւացն հատեալ սլանայր
 'Դ հարաւ հիւսիս ծայր 'ի ծայր ,
 Անդէն գուպար ասէղ ոսղմի
 Ի մէջ գիւացն այն խառնի ,
 Նոցին տագնապ յամօթասպարտ ,
 Ձի այն նաւակ դիմամարտ ,

Յաղթէր հողմոց, երթեալ երթայր
Եւ 'ի կրղզին մերձենայր :

Նորօրինակ մարտ անդ մըղէր .

Թողեալ ըզժոխն 'ի մի թեր ,

Ըզյաղթ լերինս երկնահանգէտ

Արձակէին միմեանց հետ :

Իսկ խուճապեալ մի ոմն անդէն

Վազէ արտաքս 'ի գնդէն ,

Տարտարոսին յանկոխ սահման

Նստեալ ուրեք մութ յանկեան ,

Աչք յարտասուս ձեռն 'ի ծնօտի

Ողբայ զվիճակն իւր նախնի :

« Երբեմն յեթերս արփւոյն տխար
Լուսազգեցիցն էս 'ի սար ,

Անմահ փառաց Աստուածութեան

Զերգս երգէաք միաբան . . .

Անիծեալ ժամ, ո՛հ մինչ հընչէր

Շէփօրն այն ժանտ ընդ եթեր .

Տօն ցնծութեան էս կարծէի

Որպէս յայլում նըւագի .

Այլ զի՛նչ այն տօն . յուզէր երկին

Ի ծուփս մարտի ահագին :

Ո՛հ նըստէի էս անդ հանգարտ ,

Ոչ որպէս աստ նստիմ արդ .

Մի ոմն ահա մերձեալ առ իս
 « Աստէն , ասէ , հիմ նստիս ,
 Զիտորդ ճգնին , ոչ տեսանես ,
 Ընկերակիցք աստ ընդ մեզ :
 Ես միամիտ յայն բան յարեայ ,
 Սրացեալ ընդ գունտն աստեղեայ ,
 Տեսի անդէն ես դէմ ընդ դէմ
 Ի մէջ եղբարց մարտ դրժխեմ .
 Մըտի 'ի կողմն իբրև յիմար
 Ուր փայլակէր բեւիար :
 Հանդիպակաց դաբրիէլեան
 Կողմըն գըտեալ յաղթական ,
 Խաւարազգեաց յայս մոլթ անգունդ
 Թօթափեցաք գունդագունդ :
 Եւ արդ դարձեալ գամք 'ի վըսեր
 Եդեալ 'ի կշիռ ըզկար մեր
 Ընդ բարձրելոյն բազկացն հանդէս ,
 Որ զայս սահման կնքեաց մեզ » :
 Մինչ սա այսպէս զեղոյր գանգատ
 Թախիծ սրտիւ յուսահատ ,
 Հնչէ շեփոր , խառնուրդ մարտի
 Ըզկայ առեալ հանդարտի ,
 Եւ համագունդ մեծ խուճապաւ
 Խորասուզին ընդ երկրաւ :

Նաւն ալէկոծ հաս 'ի կղզին ,
 Ըզկոյսն 'ի վայր իջուցին .
 Դարձուցանեն ըզլէկն խկոյն ,
 Շնչէր և հողմ բարեմոյն :
 Բայց Քրիստինէ հայէր ժըպիտ
 Շուրջ ըզվայրօքն անքըթիթ ,
 Եւ նախ մածեալ խոնարհ յերկիր ,
 Յաստուածախօսն 'ի դաբիր
 Կարծէր զերծեալ 'ի սիղծ մարդոց ,
 Յանտառախիտրս ծառոց
 Ճեմէր սիգայր , որպէս Եւայ
 Ի սարաիզին Եդեմայ ,
 Եւ հիասքանչ վերառաքէր
 Նըւագս օրհնից 'ի յեթեր :
 Որպէս յորժամ թռուցեալ ճնճղուկ
 Ի վանդակէն իւր անձուկ
 Իւր որսողին ոտընհարու
 Օգասպարեալ թինդս առնու
 Ընդ դաշտ ընդ բլուր վայր 'ի վայրէ ,
 Ըզնոյն առնէր Քրիստինէ :
 Ըստուերք ծառոց երկայնէին ,
 Նըշոյլ ձրգէր և լուսին ,
 Մուտք արևուն բոլորածիր
 Ներկեալ համակ 'ի կարմիր ,

Հրաշէկ 'ի գոյն ըզծով վառէր
 Թաղէալ յալիս զիւր սրտակեր ,
 Փոխանակեաց լուսինն ըզնա ,
 վառի կամարն աստեղեաց .
 Ճըռուողէլով դասակ դասակ
 Գան 'ի դադար ոստոց բնակք :
 Քրիստիանէ անդէն նստաւ
 Ըստուարաբուն ընդ սօսեաւ .
 Քերեալ զամիամբք վէտ վէտ ալիք
 Հասաչին հիւսէն դըրուատիք .
 Մինչ շնչաւորք և մարդ համբուն
 Կան դադարեալ քաղցր 'ի քուն ,
 Ըզքրիստինեաց շարժեալ գորով
 Մըշտամբուունչն ալեօք ծով ,
 Եւ անմբուունչ խորհրդածու
 Լինէր գործոցն Աստուծոյ :
 Զեզուած սրտին քաղցր արտասուք
 Քրնոյ ածէր նրմա շուք ,
 Եւ Զեփիւռոս շնչեալ հեզիկ
 Փակէ զաչկունսն աւասիկ :
 Զուարթնոց անդէն զոյգ լուսարբի
 Շարջ ըզկուսիւ սաւառնի ,
 Թուուցեալ սրտակ 'ի հիւս ծաղկանց ,
 Գործ անմահից գերազանց ,

Վէհ հովանի սոքա կուսին
 Զողջոյն գիշերն առնէին,
 Զի մի գազանք կամ արհաւիրք
 Գիշերային այն սպառիրք
 Եկեալ յանուրջս խօլահան
 Արկցեն քրնոյն խոչ խափան :

Մինչ սա նրնջէր անոյշ 'ի քուն ,
 Հիւրք անտառին այն զարթնուն .
 Զառաւօտին 'ի նուրբ հադագ
 Սոխակ սաշտէ նախ նրւագ .
 Ըզգայլայլիկ կրկնեն անձաւք ,
 Ում գաշնակցեալ և այլ հաւք
 Զարփւոյն սայծառ զէլս ողջունեն
 Ընդ արարածս համօրէն :
 Զարթնու յանկարծ և Քրիստինէ ,
 Ըզնա արևն ողջունէ .

Պարզեալ շրթունս վաղվաղակի
 Օդականաց ձայնակցի .

« Սերովբէից դունդ լուսերամ
 Եթերափակ յերկնից սեամ
 Օրհնեն ըզքեզ, ամենից Տէր,
 Ասողահանդերձ և եթեր ,
 Եւ արարածք ըզքեզ համբուն ,
 Ըզքեզ ալիքս այս ծովուն ,

Ի դայլայլիկս օրհնեն թրուչունք,
 Ըզքեզ մարդկան և շըրթունք.
 Նոցին և ես տէր ձայնակից
 Յաւերժ ըզքեզ օրհնեցից” :

Այգունն այսպէս զափամբ ճեմեր
 Սրտիւ մըտօք աղօթիկեր,
 Տարփայր երկնից վառեալ սիրով,
 “Շղթայ ոտիցս արկեր, ծով :
 Ո՛ր զիս տանէր առ Ուրբանոս,
 Եկ առ ՚ի թևս զիս, Եւրոս,
 Զի ես ՚ի ծոց սիրեւոյն իմ,
 Իմ սիրեւոյն թրուանիմ” :

Բայց տես զԵւրոս որպէս դրժնեայ
 Խաղայ յալեացն ՚ի վերայ,
 Վարեալ նաւակ լի առագաստ
 Ըսպառնալեօք ալեսաստ,
 Զընթացս ուղւոյն բռնագատեր
 Կըղզւոյն առնել առ ընթեր .
 Մըրըրիկայոյզ յալեաց գիզան
 Ծօճէր նաւին յաղթ իրան :
 Ի մըրըրիկէն մերկ և թափուր
 Նաւորդքն անկեալ մաղապուր,
 Յոյզ և խնդիր սուր դիտէին
 Հանդիսակաց ըզկըղզին .

Զ ընթացս ուղղէն նաւուն անդէն ,
 Ճարեւ զիւրեանց ըզսարէն .
 Եւ մօտ քերեալ անդ առ կըղզեաւ ,
 Մալուխ տանին մակուկաւ ,
 Եւ հաստաբուն անդ 'ի կաղնի
 Կապէն ըզնաւն առ վայր մի .
 Աղէղնաւորք յորս ընթանան ,
 Եւ հանդիպեալ այծեման ,
 Սուր յընթացից կասեն ըզնա ,
 Անկաւ անդէն անըզայ .
 Բարձեալ 'ի յուս զայն որս անդին
 Դառնան 'ի նաւ խնդագին ,
 Խարոյկ արկին առ ծովեզերք ,
 Ի հանդերձանս բազմակերպ
 Աշխատէին իւրաքանչիւր
 Հանել զայծեամն 'ի շամփուր .
 Դիտէր հեռուստ և Քրիստինէ ,
 Մօտեւ կամէր , այլ չիչխէ :
 Ոգի առեալ յաւարտ ճաշոյն ,
 Ի բան 'ւ 'ի դէմ բարեմոյն
 Տեղեկացեալ խոնարհաբար
 Անդէն ուղւոյն ըզսատճառ ,
 Եւ թէ դընան դէս 'ի Տիւրոս ,
 « Իշխանն , ասէ , Ուրբանոս

Հայր իմ է նա ” . զայս մինչ լուան ,
 Միմեանց 'ի դէմս հայեցան :
 « Մատն ես երկնից զայս ճանաչեմ ,
 Եւ ոչ ձախող բաղդ դրժխեմ .
 Սովալըլուկ զի մի մեռայց ,
 Այս պատեհաւս ել ինձ յայց ,
 Զի մի դիպի չար ձեզ ուստեք
 Զարտօսը իմ մի անտեսէք ” :

Օրիորդին բանք գեղեցիկ
 Ի դուժ ածեն ըզմարդիկ .
 Տանել ըզնա հաճին իսկոյն .
 Լուծեալ ըզնաւն 'ի կազնոյն ,
 Եւ 'ի մահոյկն ելեալ հասլճեալ
 Ըզհողմն որսան բարեգէս .
 Մըզեն ըզնաւն ալիք ալեօք
 Առադաստիցն առեալ գող :
 Ի թռիչ հըմուտ թըռչուն այնպէս
 Թըռչել երբէք չտեսի ես :
 Բըրդունքն հեռուսս հա նշմարին
 Ապողոնեայ տաճարին :
 Տիւրոս քաղաք ծովեզերեայ ,
 Քո սիրելին առ քեզ գայ ,
 Ուրբանոսի աւետիս տուր ,
 Եւ Յանիկեայ տար դու լուր :

Առագաստից գող իջանեն ,
 Ըղկայ առնու նաւն անդէն ,
 Եւ Քրիստինէ 'ի դէմն զըւարթ
 « Զիս յեղը , ասէ , տարայք արդ ,
 Եւ հատուցումն արդարադաս
 Լիցի յերկնուստ ձեզ առատ :
 Չեք ինչ վէհ գործ երկնից հաճոյ
 Քան ձեռնն տալ հէք մարդոյ .
 Երախտագործ կենացս ըզձեզ ,
 Յորչափ զայս սիւք շնչեմ ես ,
 Եւ մինչ ելցեն երկինք ինձ յայց
 Ըզձեզ այո՛ ես ծանեայց :
 Ի ձեր յաջաց մի արտասուք
 Յաւերժ մահուն քամէ սուգ .
 Յորչափ հողմոց տայք առագաստ
 Ծով մի մռննչէ ալեսաստ .
 Հարկեալ թիկունս ձեզ կապուտակ
 Ի ձեր տարցի նըստատակ » :
 Ընդ գեղ բանից կրթեալ յապուշ
 Սիրտ մարդկանն այն վառէր յոյժ :
 Զոյգ պատանեաց անդէն առոյգ
 Առեալ ըզնա 'ի մակոյկ ,
 Հաս 'ի ցամաք , և Քրիստինէ
 Անժոյժ 'ի դուրս ելանէ .

Զերթ գառն անմեղ վաղէ 'ի սպանդ
 Ի լանջ' ւ 'ի սիրտ անվրկանդ :
 Թէ « Քրիստինէ եհաս 'ի տուն », ,
 Ծառայքն անդէն լուր ետուն .
 Իսկ Ուրբանոս վայրագ գազան
 Ըսպառնալեօք բազմազան
 Ուժգին գոչմամբ , որպէս Եւրոս
 Ի մէջ վիմաց խորափոս
 Բոմբիւն ձայնից խիստ արձակէ ,
 Հանգոյն գալուստն հարցանէ .
 Եւ Քրիստինէ քաղցր հայեցիւք
 « Վարեալ ըզնան յաջող սիւք
 Հասաք , ասէ , ողջամբ այսրէն
 Զանդուլ վրիժուցի առ դու քէն :

« Լոկ քէն վրիժուց դու մի կարծեր ,
 Ո՛հ Քրիստինէ վըշտամբեր .
 Գիտեմ կըշուել շքեղ սլրսակ
 Քոյոց ճրգանց փոխանակ .
 Ասա միայն թէ դաւանիս ,
 Եւ թէ պաշտես ըզմեր գիս » :

« Ըզգարչելիսդ օն տա՛ր 'ի բաց ,
 Եւ ըզխորհուրդդ այդ դիւաց ,
 Ես մի Աստուած , միայն ըզնա
 Հանուրց պաշտեմ՝ գերակայ ,

Բնութիւնք համայն և չորք տարերք ,
Նովաւ սանձին տիեղերք .

Եկ Ուրբանէ , և դու ծանիր ,

Այդպէս անմիտ մի լինիր :

Կոփեալ 'ի մուրճ և 'ի տապար

Ոսկի արծաթ փայտ և քար .

Ոչ զօրութիւնք կենդանականք ,

Եւ ոչ իմք բաւականք ,

Ըննոցանէ դուք խորհիք լոկ ,

Գերունակք են նոքա ձեօք” :

Նա ղերթ վարազ ժանիս սրբեր ,

“ Կարկեաց աղջիկ վառչուէր”

Գոչեաց անդէն հայրն ահագին .

Ծառայքն 'ի վեր վաղեցին ,

Զինու վառեալք ամենեքեան

Կուսին կացին յանդիման .

“ Հարէք ըզդա , հրաման է ձեզ ,

Ըզմէտ ցաամանս արդ տեսցես” :

Գազանք վայրի , երկինք հայրս ,

Աւին ըզկոյսն 'ի ժանիս .

Գեռ հարկանէք անգուծ մարդիկ

Զիրան կուսին այն փափկիկ :

Շուշանափայլ կուսին իրան

Ներկեալ համակ 'ի յորդան ,

Զերթ ծիածան ցօղէր ճաճանչ,
 Կապոյտ կարմիր ընդ կանաչ,
 Գեղեցկաթոյր հարսն յօրինեալ
 Պարկէշտ դիմօքն արփափայլ :
 Աջ կորովիք հա թուլացան
 Հաստաբազուկք այն մարդկան ,
 Չաղկանքն հովէր ըզսիրտ կուսին
 Վառեալ ՚ի սէր Յիսուսին ,
 Որպէս ըզտօթ ամարայնոյ
 Կաթիլք թափեալք անձրեոյ :
 Եւ առ իշխան դարձեալ ասէ ,
 « Այ դիւբախ Ուրբանէ ,
 Ըզջօրութիւնն ո՛չ խմանաս ,
 Զխարդ պահիմ՝ անվընաս .
 Գաղանաց իսկ շատ այն ձաղկանք
 Զոր ինձ էտուն զօրականք .
 Փաղանդ զօրաց սղէ հանցես
 Ընդ իս այսօր յասպարէս .
 Ոչ քամեսցեն նոցին բազուկք
 Յիմոց աչացս արտասուք :
 Աջ Անմահին ինձ հովանի
 Յօրհասս պահուն էղանի » :
 Ուրբանոսի սրտին զայրոյթ
 Վախճան խորհէր վաղ ընդ փոյթ ,

« Առցին քերոցք և կախաղան » ,
 Զօրականին ետ հրաման :
 Կախեն ըզկոյսն անդէն ահա ,
 Որպէս ըզխոյն սաբեկայ ,
 Յանտաշ սեղան առաւ նըւէր
 Յողջակիզել 'ի սուրբ սէր .
 Քերոցք ճիրան երկաթաղէն
 Պատառ պատառ վայր հոսեն
 Զհատորս մարմնոյն արիւնազանգ ,
 Այլ նա պահի անվրտանգ :
 Հայրն արձակել ըզՔրիստինէ
 Անգութ դահճացն ակնարկէ :
 Արիւնթաթաւ իջուցանեն
 Զանբիծ նըւէրն 'ի փայտէն ,
 Մասն 'ի մարմնոյն առեալ կուսին
 Արիաբար 'ի ձեռին ,
 « Յագիր , ասէ , քաղցեալ դազան » ,
 Հօրն ընկեցեալ յանդիման :
 Ուրբանոսի ժպտեալ տակաւ ,
 « Ո՞չ իմանաս , ասէ , ջաւ .
 Ըզկատակդ օն թողեալ 'ի բաց ,
 Դու 'ի կամս իմ խոնարհեաց .
 Դարձիր զոհեա մեր աստուածոց ,
 Եւ վայելեա 'ի մեր ծոց .

Ապ' եթէ ոչ, սրատուհասից
 Քեզ նոր հընարս նիւթեցից .
 Տեսցուք Աստուած . զոր դու սաշաես
 Եւ յոր յուսաս, փրկէ զքեզ” :

“ Ո՛վ Ուրբանէ, հէք զաչացու,
 Ընդէր 'ի միտ չառնուս դու,
 Ոյր զօրութեամբ կալայ ըզդէմ
 Պատուհասից քոց դըժխեմ .
 Ո՞չ նոյն բազուկ յերկինս շարեաց
 Ըզբոյլս անշարժ աստեղաց .
 Ըսպէք մարմնոյս, զոր տեսանես,
 Նոցուն անցցէ 'ի հանդէս” :

Գազանացեալ Ուրբանոսի,
 “ Պարծանքդ, ասէ, արդ տեսցի .
 Առէք ըզդա, վառեցէք հուր,
 Ածէք անիւ սայրասուր” .

Եւ կասեցին յանուոյն վերայ,
 Զերթ 'ի կամարն աստեղեայ
 Երևակին սայծառ մանեակ,
 Փայլէր յանուոյն շրջանակ :
 Արկեալ ներքոյ ծըծումբ և ձէթ,
 Փոխան զգեստուց սեթևեթ .
 Ուորս առեալ զերթ ծիածան
 Ի գիւ անուոյն իւր իրան,

Զարեգահամբ որպէս լուսին
 Շող արձակէր արփային :
 Եւ ամբարձեալ զաչս 'ի յեթեր
 Արասսուադին աղօթէր .
 « Որ ցարդ , դու տէր , պահեցեր զիս ,
 Զըգեա զաջ քո և զարդիս .
 Որպէս երբեմն ըզհնոց հըրոյն
 Փոխեա 'ի ցօղ և ըզսոյն ,
 Զի աչք տեսցեն անհաւատից ,
 Թէ դու տիրես համայնից » :
 Հուր ցօղանայր շուրջ ըզկուսիւ ,
 Եւ զանհաւատս զերթ խըռիւ
 Բոցակիզեալ լուծէր յաճիւն
 Յարշաւասոյր շառաջիւն :
 Իշխանն յանւոյն ըզԲրիտօնէ
 Իջուցանել հրամայէ .
 Եւ հարցանէ , « Ուստի՞ ուսար ,
 Ասա դու ինձ , զայդ հընար .
 Դառն ես տանջանս ածել գիտեմ ,
 Ոյց ոչ կացցես դու ընդդէմ .
 Առից ըզվրէժս անարգանաց ,
 Տեսցուք փրկէ՞ քո Աստուած » :
 Յէրբ , կոյսն ասէ , ասացից քեզ .
 Է Աստուծոյս այս հանգէս .

Թէ իբր անցի , դու չիմանաս ,
 Յամենայնէ անվընաս :
 Կա ուսոյց ինձ զօտարոտիս ,
 Եւ ոչ ըզձեր պաշտել գիս :
 Այլ քո վերայ բացցէ երկին
 Ձըշտեմարանս ասագին ,
 Սըղոխք սրբոց արեացն յեթեր
 Ձոր 'ի յառակս այս հեղեր ,
 Ի դրժոխոց բաւիղս անել
 Յորժամ երթաս անկանել ,
 Կոփեալ շանթիս արձակեսցեն
 Ի քո գըլուխդ , անօրէն " :
 Առիւծացեալ Ուրբանոսի
 Ի սիրտ խոցեալ և յոգի ,
 Հըրամայեաց արիւնթաթախ
 Ի բանդ տանել անսըւաղ :
 Իսկ կոյսն ըզհետս արեամբ ներկեալ ,
 Վազեր 'ի բանդ սիգաքայլ ,
 Միեղջերուին այն 'ի տիպար ,
 Յարիւն կողին նետահար
 Ըշտաս պաղիւք շաւիղս գըծէ ,
 Յականակիտ աղբերէ
 Հովահարել սրտին ըզտաս
 Մահուն անկեալ 'ի տագնաս :

Բանտին ըզդուռն աղխեալ երթան ,
 Իսկ կոյսն անդէն 'ի մըթան
 Զոր նահատակքն ներկեցին
 Զէրմ համբուրէր ըզգեալն
 Բոսորաբուղն արեամբ իւրեանց ,
 Հանուրց գըտեալ գերազանց ,
 Եւ առ Աստուած փղձկեալ 'ի սէր
 Չայն արտասուաց արձակէր .
 «Աստուած բարձրեալ , դու զմարգարէն
 Զյափըշտակեալն 'ի կիտէն
 Հաներ 'ի լոյս յահեղ խորոց ,
 Յուցեալ զհանդէս բազկաց քոց :
 Գու զԴանիէլ Ամբակումաւ ,
 Զ'ի քաղց նըթեալն և ծարաւ ,
 Գուբն յառիւծուց ամենածախ ,
 Յանձնէ մերժեալ ըզզըմբաղ ,
 Կերակրեցեր . հայեաց առ իս ,
 Որ նըւաղիմ 'ի բանտիս ,
 Եւ 'ի բարձանց զօգնութիւն քո
 Առ տագնապեալս փութացո » :
 Անդէն յանկարծ որպէս փայլակ
 Ի մէջ բանդին մէջ հրեշտակ .
 Որմունք նրսեմ փայլէն իսկոյն
 Արփիաախպ երփնագոյն :

Մատեաւ զուարթունն առ Քրիստինէ,
 Ի սպիս հրպեալ բըթըշէ,

Եւ կերակուր ընդ ըմպելի

Մատոյց նըմին լիուլի :

Սաւառնեցաւ հրեշտակն անդրէն ,

Եւ վարսամին այն զօրէն

Որ 'ի մըռայլ ամբոց միջի

Սփռէ ճաճանչ գիշերի ,

Շաւիղս հետոց յասպարէս ձիգ

Յորդէր նըշոյլ գեղեցիկ :

Եւ Քրիստինէ 'ի շող նորին

Վառէր փայլէր զերթ լուսին ,

Անբիծ անվէր և ձինսաթոյր

Ի սիրտ զըւարթ և անդոյր :

Մինչ սա այսպէս նստէր հանդարտ

Զերթ արշալոյս երփնազարդ ,

Աբբ հինգ յըղեալ գան 'ի հօրէն

ԸզՔրիստինէ զի տարցեն .

Հասեալք 'ի բանգ ըզգիշերայն ,

Առեալ տանին առ Ժամայն ,

Յորոց միջի կոյսըն փայլէր

Զերթ արուսեակն 'ի յեթեր :

Գիշերն 'ի թևս մինչ սևաթոյր

Յաճի երկնից 'ի պարոյր ,

Եւ մինչ զերկրաւ նստեալ յիւր սայլ
 Ձաշխարհակուլն ածէ մուսլ,
 Բոյլք աստեղաց սրայծառ շողան
 Յիւրաքանչիւր 'ի կայան :
 Յեզըր ծովուն ահա հասին ,
 Եւ և արևն 'ի զընին ,
 Փեռեկեցաւ բոլորածիր
 Ահա երկին լուսասփիռ
 Ձգըլսով կուսին , զոր 'ի նաւակ
 Առեալ տանէր այն հրոսակ .
 Ծով ըզթիկունս իւր թօթափէր ,
 Ձեղոյր ալեօքն անհամբեր :
 Տէրն Էթերին հանդիսատես
 Նստաւ դահոյս յամսագէզ .
 Գունդ հրեշտակաց շուրջանակի
 Ըզգահոյիւք ծաւալի :
 Սփռին յայերս շողք սրսակաց
 Եւ ծածանմունք ծիրանեաց .
 Ձիգ յասպարէզ շողք այերին
 Ձերկիրս յերկինս խառնեցին :
 Դահճացն հասեալ 'ի խոր ծովուն
 Ճըգնեալ բազկօքն աննրկուն ,
 Եւ զուլանէ արկեալ կուսին
 Հատոր վնմի ահագին ,

Ընկենուին բարձեալ ըզնա ,
 Այլ ծով զբերանն ոչ բանայ :
 Խրզեալ կասոյն քարն ընկլուզաւ ,
 Ոտք Քրիստինեայ ոչ թացաւ .
 Զոյդ Զըւարթնոց հասեալ փուլթով
 Մըտին նորուն ընդ անթով ,
 Նա սաւառնէր որպէս փիւնիկ
 Ոչ 'ի խարոյկ վաղանցիկ ,
 Աստուածահոս յանանց 'ի սէր
 Վառեալ 'ի սիրտ մըշտանուէր .
 Անմահութեան փայլէր ճաճանջ
 Ի դէմն կուսին հիասքանջ :
 Փղձկեալ 'ի սիրտ ձայն արաստուաց
 Վերամբառնայր առ Աստուած ,
 « Դու որ նստիս յերկինս 'ի վեր ,
 Ամենազօր բարձրեալ աէր ,
 Տարերս սանձես դու զահարկու ,
 Քե սալանայ ջուր ծովու ,
 Յալից երկնից ցանդունդս երկրի
 Քոյին հրաման կատարի .
 Վերանըստեալ հանգիստսես
 Դէմն աշխարհի փոփոխես ,
 Յուցեալ զհանգէս քոյդ զօրութեան
 Ի բիւր յեղեալ կերպարան .

Փառաւորեա զաջ քո հըզօր
 Նոր նորոգեալ զիս այսօր ,
 Սուրբ ծընընդեամբ աւազանին
 Ձիւս ընկալցես վերըստին ,
 Ահա տացեն ինձ այս ալիք
 Որդէգրութեան ըզկընիք :
 Սաւառնեցան զոյգ զըւարթնոց
 Բերեալ սըսակ 'ի յամպոց ,
 Շուրջանակի բոլորեցաւ
 Կոյսն արփափայլ ծիրանեալ :
 Հընչեաց յայերս . այո՛ , այո ,
 Ես եմ ալփա ես և օ :
 Կամք իմ սահման ամենայնի ,
 Ձոր խնդրեցեր եղիցի 2 :
 Ձուարթուն ոգի , որ մերձ կայիր
 Դու յանմատոյցն 'ի դաբիր ,
 Ըզսուրբ հանդէսն աղէ սլառամեա
 Ձոր 'ի կամարն աստեղեայ
 Հընչեցուցէք յանլուր տաւիղ
 Յոսկի լարեալ շառաւիղ :
 Երկինք անդրէն միապաղաղ
 Ձիւրն յարմարեաց առաստաղ ,
 Սաւառնեցան յայերս հրեշտակք
 Հանեալ ըզկոյսն 'ի ցամաք :

Զըբքանչելեաց տեսեալ մարդկան
 Զհանդէսն ահեղ բացական ,
 Ուրբանոսի տան աւետիք ,
 Թէ « զՔրիստինէ զերծին գլիք :
 Աղիսեալ էր ծով ըզբերան իւր .
 Որպէս ընդ հարթ և ընդ դիւր
 Անգայթ ոտիւք ճեմս առնոյր նա
 Լոյծ մրկանանց 'ի վերայ :
 Անց 'ի ցամաք , մի մեղիցես ,
 Գուցէ չարիք հասցեն քեզ » :
 Ուրբանոսի դէմքն ահարկու
 Բերէր ըզտիպ առիւծու .
 « Ոչ մեռայց ես , վայրագն ասէր ,
 Սրբամբտու թեանս ըզմթեր
 Մինչ չև հեղից 'ի Քրիստինէ ,
 Ածէք այսրէն , հրաման է » :
 Ելին փութով արքն 'ի տանէն .
 Իսկ Ուրբանոս 'ի սրբտէն
 Ի գուրս ճախրէր կատաղաբար
 Լի սպառնալեօք վայրապար :
 Զօրէն հողմոյ վատնեալ ընդ վայր
 Ընդ ահագին լերանց սայր ,
 Ի քարանձաւս մրտեալ թափով
 Անդ մըռընչէ որպէս ծով ,

Ստապէս վիսին շընչոյն յորձանք
Ի տան հընչէր արձագանդ :

Կոյսն 'ի դահճաց փուլթուլ ածաւ
Գոռ իշխանին զառաջեաւ .

Բաց ըզբերան իւր Քրիստինէ ,
Եւ ոչ հարցման ըսպասէ .

« Ա՛յ Ուրբանէ , մինչև ցե՛րբ դու
Կացցես Աջոյն անարգու ,

Որ 'ի սկըզբան զերկինս ըստեղծ
Ընդ լուսատու բոյլս աստեղց .

Ապա զերկիր և որ 'ի նմա

Անթիւ չքնաղ առարկաց ,

Ձոր տեսանեն աչքդ անարժան ,

Եւ որ յաչացդ անտես կան ,

Յովկիանու ծոց անթափանց

Պահեալ մըթերք մեծագանձ ,

Եւ յալս երկրի թաղեալք 'ի մոլթ ,

Յագահ ձեռաց անկասպուտ :

Քեզ գեղեցիկ այս արարած

Ձոր գոյացոյց իմ Աստուած ,

Կարողութեան նորին վըկայ ,

Մըտաբերել քեզ ո՛չ տայ :

Բոյլք աստեղաց կամարս յերկնից

Ո՛րսէս շարին յանգոյ գից .

Կամ տիեզերք զնորդ կանգնին
 Մինչ քար և փայտ ոչ գոյին :
 Քան ձեր աստուածք նախ են մարդիկ ,
 Եւ այլ անբաւ կենդանիք ,
 Եւ որք սողան յընդերս երկրի ,
 Եւ թըռչականք բազմազգի :
 Նախ բարձրայօն վերամբարձան
 Լերինք քարանց շտեմարան ,
 Եւ թանգարանք բովուց մըթեր
 Ուստի կոփին աստուածք ձեր ” :

Չայն Քրիստինեայ քաղցրաբարբառ
 Որփէոսին քան ըզքնար ,
 Որ ըզսաստիկ յորձանս գետոց
 Յիւր կասեցոյց կընտընտոց ,
 ' Ի 'ի զգօնութիւն ածէր արագ
 Ըզգազանաց բարս վայրագ ,
 ԶՈւրբանոսի զայրոյթ սրտին
 Հանգարտեցոյց ձայն կուսին :
 Այլ 'ի սրտին բուճեալ վիշապ
 Ըզգայրանաց իրզէալ կապ ,
 “ Ազէ , ասէ , իւ կամ որո՞վ
 Կախարդեցեր դու ըզծով ” :
 Քրիստիանէ անգէն յայնժամ
 “ Կոյր դու , ասէ , և զառամ ,

Հանուրց Հաստչին տուր փառս ընդ իս,
Եւ մի յիշեր բնաւ ըզգիս .

Ծովն այն եղև ինձ երջանիկ
Վերածնութեան տըւեալ կնիք ,
Ի դարութիւն գըրեալ կենաց
Ջանուն հիբոյս անմուաց » :

« Տարէք զաղջիկդ ասերասան ,
Արկէք , ասէ , յարգելան .

Խրցցի բերան վաղիւ նորուն ,
Ըզվէսն առնեմ ես նըկուն » :

Առեալ տանին դահիճք ըզնա .

Վառեր կամարն աստեղեայ .

Վայրաբերեալ գոգցես լուսին ,

Փայլեր տխար դէմք կուսին ,

Եւ 'ի զգեստուց հատանէր բոց ,

Որպէս արփին մէջ յամբոց

Լուսաճաճանչ վառեալ համակ

Նըշոյլ սրփուէ կարմրորակ :

Ըզհետ երթայ անթիւ ամբոխ ,

Ի մէջ նոցուն զերթ յարգգող

Արծաթափայլ թողոյր ուղի

Հետոցն յառնուլ նազելի :

Գեանամածեալ երկրրսպագեն .

Յաստուածուհեաց ոմն , ասեն ,

Ասպընջական իջեալ առ մեզ,
 Եւ հիւրանայ նա այսպէս :
 Հասեալ 'ի բանդ ըզդուռն արկենն,
 Յըրուի ամբոխն համօրէն .
 Եւ Քրիստինեայ շրթանց քընար
 Վէհագունիցն 'ի տիպար
 'Նըւագս օրհնից մերառաքէր ,
 « Ամենախնամ բարձրեալ Տէր ,
 Քո է երկին , քո է երկիր ,
 Հանուրց սահման դու եղիր .
 Ի քէն աւուրք կենաց մարդկան
 Չափով, գիտեմ, կըշուեցան .
 Կարձեւ ըզկեանս կարող ես դու
 Տիոցս յառոյգ խնամարկու ,
 Ձի շունչս 'ի շունչ Աստուածութեան
 Միաւորեալ յաւիտեան ,
 Ձայս ես 'ի քէն, Տէր, պաղատիմ,
 Քո եղէց միշտ, և դու իմ » :
 Գիշերն 'ի կառս նստեալ սլանայր
 'Նդ ոլորտս երկրի ծայր 'ի ծայր ,
 Խոր լըուութիւն պատէ զերկրաւ
 Հանուրց արկեալ գիմակ սեաւ ,
 Աչք ծանրացեալք և Քրիստինեայ
 Հարկէ 'ի քուն և ըղնա :

Բայց Քրիստինէ ոչ ննջէր անդ
 Որպէս յերեկն և յեռանդ .
 Դատաստանի ասէղ սրտակեր
 'Նա յերազի տեսանէր :
 Շքքեղ տաճար անդ շափիւղաց
 Սեանց կառուցեալ 'ի վերայ ,
 'Նըւիրական սուրբ վարագոյր
 Վէրուստ 'ի վայր սևաթոյր
 Սաւառնաթև 'ի հրեշտակաց
 Կաշեալ թռուցիկ կիսաբաց .
 Ականակուռ գահոյք ոսկի
 Արկեալ շողայր 'ի միջի :
 Ուժգին հընչմամբ շեփոր հարաւ ,
 Գըմբէթ յարկին վերացաւ .
 Եւ բարկացայտ էջ յեթերաց
 Ի գէմն ասէղ Էնն Աստուած :
 Բոյլք հրեշտակաց թօթափեցան
 Ի մէջ յարկին ցիր և ցան .
 Բայց Միքայէլ իշխան նոցին
 Կայր անդ կըշիւ 'ի ձեռին ,
 Եւ սևաթոյր ասա ոգիք
 Վըտիտ բաղկօք կորովիք .
 Իրանք նոցին արձակեն բոց
 Որպէս խանձողք գըժոխոց :

Փուլթուլ ածեն անդ ոգի մի ,
 Եւ Ուրբանոս նըշմարի .
 Պատկերն անշուշտ է այդ նորուն ,
 Ի կեղտ 'ի բիծ թաթաղուն ,
 Եւ բաբախէ մերկ և ունայն
 Դատապարտեալ ոգին այն :
 Որպէս ուժգին նետից տարափ ,
 Անդ լըռու թիւն և սարսափ
 Քաղեալ զոգին , թափ անցանէր
 Ճասուկ ոգւոյն ընդ ներգեր :
 Եւ 'ի կարճոյ ահեղ վըճիւ ,
 Չէր պիտանի անդ կըշիւ .
 « Ձիս , Արարիչ , դու ոչ ծանեար
 Քան զանասունս դու վատթար .
 Ձի'նչ ըսպասես այլ տրրիտուր
 Տարտարոսին քան ըզհուր » :
 Յափըշտակեն ըզնա ոգիք ,
 Յաւերթ վըհին ժանտ որդիք ,
 Ընդ աւերնեան դրունս համօրէն 3
 Կարգ ըստ կարգի անցանեն :
 Հրավառ 'ի լիճ հասեալ անցին ,
 Կարկառս ժայռից յահագին
 Կախեալ յայերս աստի անտի
 Հուր միաձոյլ նըշմարի ,

Վայրն ամենայն թաղեալ 'ի բոց ,
Անդ էր լըսել վայ և կոծ .

Ահանողիքն անդ չունէր զոյժ
Յահէզ տանջանան ասպաժոյժ :

Քրիստիննէ աստէն զարթեալ ,
Գիտել ցանկայր հաւաստեալ :

Անդէն Կիղէս ըզգիշերայն
Հասեալ 'ի բանդ գուժէր ձայն ,
Թէ Ուրբանոս մեռաւ յանկարծ :

Աստ Քրիստիննէ ձայն եբարձ ,
« Ապա ոչ էր տեսիլս երազ ,

Առ զարժանին սրատուհայ » :
Ըզսրատուհանն , ասէ Կիղէս ,

Ո՛հ Քրիստիննէ , տեսի ես ,
Մինչ սա ճեմէր վեր վայր 'ի տան

Զմահուն խորհեալ քո սրայման ,
Իբրև զառիւծ յանկարծ գոչէ ,

« Մի՛ հարկանէր Քրիստիննէ » :
Անկաւ 'ի վայր , ժայթքէ փրփուր ,

Փարի զնովաւ սաղ սարսուռ .
Աչք բարկացայտք , քարշեալ զալիս ,

Գոչէ , փուլթով հարէք զիս :
Անկեալ յորսայս և գալարէր

Որսէս վիշապ կիսամեռ .

Սեաւ աղջամուղջ յաւերժ մահուն
 Ի գոյն դալկան հար համբուն :
 Ե՛կ Քրիստինէ , եկ երթիցուք
 Դընել նրմա զյեախն շուք ” :
 Անդէն նըմին Քրիստիանէ ,
 Մի բուն առներ , երթ ասէ .
 Իմ Աստուծոյս նըւիրական
 Յայս բանա նըստայց յաւիտեան
 Մինչև ելից ՚ի մարմնոյս ես ,
 Ոչ ելանեմ ՚ի բանդէս ” :

Երթայ Կիղէս ՚ի տուն թախիծ ,
 Բայց սիրտ կուսին ՚ի կսկիծ
 Բախէր ըզանջ շուշանափայլ
 Յեղերական ճախրել ջայլ .
 “ Ո՛հ Ուրբանէ , ըզքեզ ողբամ .
 Լեղի դիպաւ քեզ այն ժամ ,
 Յորում գնացեր դու անկանել
 Տարտարոսին վիհն յանել .
 Ուր բորբոքմունք հրեղէն գետոց
 Քամեն սրտէդ անդուլ կոծ :
 Վահ քեզ եղուկ , իմն Ուրբանէ ,
 Քո ելք զոսկերս սասանէ .
 Ասացի քեզ , հիմ ջանսացեր
 Թողուլ ՚ի բաց զաղանդ ձեր :

Ըզքեզ ողբամ էս 'ի նանիր .
 Աջ հըզօրին վրէժխնդիր
 Ձայդ քեզ կնքեաց կենաց սահման ,
 Ոչ փոխեսցի յաւիտեան :
 Փառք և ամօթ , այսպէս ըզմարդ
 Ի ձեր որսայք 'ի թակարդ .
 Ընդ սընոտեաց փոխել զերկին ,
 Ձայդ ձեր հընարք նիւթեցին :
 Ձքեզ , Ուրբանէ , թող ողբասցեն
 Ծառք անտառաց համօրէն ,
 Եւ քարանձաւք , յորժամ Եւրոս
 Մըտեալ գոչէ և Նոտոս :
 Ձեղցին ըզքե ծովուն կոհակք
 Շիջուցանել ըզքո կրակ :
 Այլ էս ըզքեզ օրհնեցից , Տէր ,
 Յորչափ կացցէ այդ եթեր ,
 Մինչև անցից և էս 'ի սլար
 Օրհնաբանիցդ անդադար :
 Ձայս ասացեալ զաչկունս փակէ
 Իմ սրբափայլ Քրիստինէ ,
 Ձի գեռ գիշերն ունէր զերկիր
 Եղեալ կուսին կարեկիր :

ՊԱՏԿԵՐ ԵՐՐՈՐԴ ԵՐԳՈՅՆ

ԶԱՐԹՅՈՒՆ ՔՐԻՍՏՈՍԻՆԵՅ և աղօթք .
 Հասանէ մայր նորա սգազգեաց, սաղա-
 փի դառնալ 'ի տուն . չառնու յանձն ,
 յորդորէ զմայրն իւր թողուլ ըզդիս ,
 չհաւանեալ գնայ : Արք հասանեն 'ի
 նորոգ կարգեալ դատաւորէն Դիոսէ
 և տանին զՔրիստինէ առ նա : Հարցա-
 փորձութիւն նորա և պատասխանի
 կուսին . տանջանք ցերեկոյ և ապա
 բանտարկուին : Աղօթք կուսին 'ի բան-
 փի : Դարձեալ խորհուրդ սաղայէլի :
 Յառաւօտուն հրամայէ դատաւորն ա-
 ծել զկոյսն բռնի 'ի տաճարն Ապողոնի :
 Աղօթիւք խորտակին կուռքն , և դա-
 տաւորն յանկարծամահ սատակի , զի-
 նուորքն պահեն զկոյսն 'ի բանփի : Յու-
 լիոս դատաւոր կացեալ ածէ զառա-
 ջեաւ զկոյսն , խօսի ընդ նմա և պատաս-

խանէ կոյսն . գազանացեալ արկանէ 'ի
հնոց , բայց աղօթիւք անվնաս պահի
նա պարեալընդ հրեշտակս : Հրամայէ
արտաքս հանել և թովջօք իժս արձա-
կել 'ի վերայ կուսին . աղօթիւք զէռան
իժք առ ոտս նորա , և 'ի զայրացուցա-
նել թովչին զիժս սպանանեն զթովիչն ,
և աղօթիւք յարուցանէ զնա կոյսն :
Հրամայէ հատանել զըստինս , և փոխա-
նակ արեան կաթն բղխէ . հրամայէ
տանել 'ի բանտ սպառնացեալ մահ :
Ածեալ 'ի բանտէն 'ի վաղիւն , սար-
գևօք ճգնի խոնարհեցուցանել 'ի կամս
իւր . և 'ի չառնուլ յանձն , հատանել
հրամայէ զլեզուն . բայց կոյսն աղօթէ
առ Աստուած բարձրաձայն : Չայն
յերկնից , եկ Քրիստինէ հանգիր . հրա-
ման բռնաւորին խոցեալ սպանանել
զկոյսն , և տիգաւորքն խոցեն զկողս ,
ուստի ելեալ հոգին թռչի յերկինս :



ՔՐԻՍՏԻՆԵԱՆՆ

ԵՐԳ ԵՐՐՈՐԴ

ՆՅՊԵՆ, զընթացս այն ինչ գիշեր
Փախըստական անկանէր,
Ահա թափեաց յաչացն ըզքուն
Քրիստիանէ սրբասուն :
Չև արփենւոյն սփռեալ յերկիր
Չիւր ըզճաճանչ լուսասփիռ,
Ի տուն բանտին քան զարուսեակ
Փայլէր կրկին արևակ,
Ոչ օրիորդ 'ի քայռ ոսկի
Կամ յառագաստ արքունի

Փայլէ սլճնեալ, յանուր շլթայ
 Չբքնաղ դիմօք որպէս սա :
 Ուժգինն ձկտեալ մըտացն ըզթև
 Գեր 'ի վերոյ քան զարև ,
 Չստուածութեանն ըզգահոյիւք
 Կոխեալ զաստեղս ընդ ոտիւք ,
 Չայն արձակէ քաղցրաբարբառ
 Սերովբէիցն 'ի տիպար .
 « Որ 'ի դաբիր նստեալ հանգչիս ,
 Բարձրեալք Աստուած , նայեա յիս .
 Դու սքանչելեացդ հանգիսատես
 Նստիս յերկնից յասպարէս .
 Քև աշխարհի փոխի պատկեր ,
 Որպէս արարք 'ի թատեր ,
 Քոյին կացեալ ակնարկութեանդ
 Ամենեքեան պարաւանդ :
 Ակնարկեա Տէր , ելցէ սատան
 Ուրբանոսին այն փոխան .
 Ի սէր սիրոյդ , ո՛վ Աստուած իմ ,
 Բոցակիզեալ տոչորիմ :
 Տքնեցայ ես որպէս ճընճղուկ
 Ես 'ի բանտիս յայս անձուկ ,
 Եւ որպէս բու յաւերակի
 Սիրտ իմ առ քեզ կողկողի :

Հանուրց Հաստիչ ըզքեզ ծանեայ
Սիրոյս միակ առարկայ” :

Մինչ Քրիստինէ պաշտէր նըլագ
Ձառաւօտին այսգունակ ,

Ճառագայթիցն ընդ արևուն

Հանուրս սըխուէր իւր անուն ,

Ի յարքունեացն ոսկէնըկար

Մինչ յաղքատին տաղաւար

Խանդաղատանս ճըգունքն ածէր

Իմ Քրիստինեայ սրբանուէր :

Սիրտ 'ի բերան ընթանային

Ի տես նորուն խըմբովին ,

Սիրայորդոր ածել յողոք

Գուն գործէին մաղթանօք .

Բայց Քրիստինէ հըզօր բանիւք

Կոխէ զհրապոյրան ընդ ոտիւք :

Հաս մայր նորա և Յանիկէ

Առ սիրելին Քրիստինէ .

Թախծեալ սրտիւ արտասուալից ,

“ Լէր ինձ , գոչէր , ցաւակից ,

Դուստր իմ սիրուն լուր ինձ այսօր ,

Մի՛ եղիցես կամակոր :

Երկինք անգամ ել ինձ դժխեմ

Հարեալ ցաւովք բաղմագէմ .

Դըսարիկ սիրուն , եկ երթիցուք ,

Քև փարատի այս խմ սուգ :

Անգին նշխար յՈւրբանոսէ

Դու ինձ մնացեր Քրիստինէ .

Ձքև արտասուօք եկ փարեցայց ,

Եւ շիջանի սրտիս կայծ .

Մի անտեսեր մի զխմ լալիս ,

Եկ Քրիստինէ գրկեա զիս ” :

Աստ Քրիստինէ չքնաղ կուսան
Յողոք բանիցն անասան ,

Ձայն արձակեալ « Աւա՛ղ , ասէ ,

Քո արտասուացդ Յանիկէ .

Ձարփին ունիմ այսօր վըկայ

Եւ ըզկամարն աստեղեայ ,

Ձեք յաշխարհի սէր և տանջանք ,

Եւ ոչ մահուն այն վըտանդ .

Ձիս փոխեսցէ յիմոց կրօնից

Եւ զՈղիւմպոս ընդ երկնից :

Ձեղևեան դաշտ ես տարտարոս 1 ,

Դուք անուանէք Ողիւմպոս .

Ո՛հ , գետք հրեղէնք անդ կարկաջեն ,

Ձեր կարծեցեալ վայելք չեն :

Անդ ընդ հրավառ ծաղկօք դաշտին

Վիշապք հրաշունչք գալարին ,

Եւ բարկացայտ աչք բարձրելոյն
 Անդ փոխանակ արփեհուոյն
 Ի հուր հնոցին զոյժ յաւելու ,
 Կացեալ ահեղ այցելու ,
 Եւ սաշտօնեայք իւրոյ ցաման
 Դէք բիւրաւորք յոտին կան ,
 Արբանեկեւ վրիժուց նորուն
 Ուժով բազկաց աննրկուն :
 Բայց մեր երկինք , 'ի շափիղայ
 Են սպարաստեալ գրունք նորա ,
 Սիւնք կարկեհանք յայերս [Ժուուցիկ
 Շարեալ կազմեն ճեմելք .
 Ձրգեն կամար բիւր ծխածանք
 Յականց շողեալ բազմերանդ ,
 Հոտ անուշից վայրքն համօրէն
 Յաւէժական անդ բուրեն :
 Բախմունք լարից ճարտար մատանց
 Հընչեն նրւագ գերազանց .
 Անդ ոչ արփի և ոչ լուսին ,
 Լոյս է համակ այն երկին :
 Անդ և մարդիկ , ոչ լոկ հրեշտակք ,
 Կազմեն ընտիր գումարտակ ,
 Ընդ գրօշակաւ ազգի ազգի
 Շահատակեալ յաշխարհի :

Եկ զիմ հաւատ գրկեա ընդ իս
 Թողեալ 'ի բաց զանգոյ դիւ ,
 Զի եղիցուք մեք կենակից
 Ընդ հրեշտակացն յաւերժից :
 Վայելեսցէ Թող Ուրբանոս
 Ի հրաբորբոքն Ողիւմպոս ,
 Եւ որք նորա սակի իցեն
 Զահեղ վայրաց փորձ առցեն » :
 Բանիւք նորա ոչ քաղցրանայ
 Տագնապ սրտին Յանիկեայ .
 Աճապարէ անմըխիթար
 Ապողոնեայ 'ի տաճար :

Մինչ Քրիստինէ անդ 'ի բանտի
 Զաւուրս այսպէս քանի մի
 Նորոց կրօնից կացեալ քարոզ
 Յուզէր ուժգին ըզՏիւրոս ,
 Ահա յանկարծ աղիւք ճըռընչէն ,
 Դահիճք 'ի ներքս արշաւէն .
 « Եկ երթիցուք . 'ի Դիոսէ
 Առ քեզ, ասեն, հրաման է » :
 Յափըշտակեալ անգէն տանին .
 Բայց Քրիստինէ խնդագին
 Ակրնկառոյց աչք 'ի յեթեր
 Շողք սըսակաց նըշմարէր :

Մինչ ծառք ճըշդէն ըզհովանի
 Յարփւոյն հարեալ ուղղակի ,
 Թեթև վազիւք միեղջերու
 Սուրբ վըտակաց խուշարիու ,
 Բացուստ լըւեալ ըզձայն աղբերց
 Գըլեալ լերանց բարձրաբերձ ,
 Շիջուցանել անդ զիւր ծարաւ
 Ընդ ձոր ընդ սար քաջարշաւ ,
 Բայց ոչ հանգոյն իմ Քրիստինեայ
 Տենչասիրեալ վազէ նա ,
 Ոյր տապ սրտին արեամբ հովէր ,
 Ձոր Տէրն արփւոյն վառեալ էր :
 Որպէս երբեմն լերինն 'ի սայր
 Փրկիչն 'ի մահ տենչիւ գնայր ,
 Համայն և սա չըքնաղ կուսան
 Եւ իշխանին յանդիման :
 Սարսեաց ըզնա տեսիլ դիմաց ,
 Իշխանն անդէն լուռ եկաց ,
 Պահել ինքեան եդ 'ի մլտի .
 Եկեալ 'ի վսեր ընդ երկնի ,
 Ձապա վայելս ածեալ 'ի յուշ
 Շուրթըն շընթէր փաղաքուշ .
 « Յիշխանական զարմէ իցես
 Այսօր , ասէ , լըւայ ես .

Եւ տանջանաց դու չարաչար
 Համբերեցեր վայրասար :
 Տեսիլ դիմաց քոյ գեղանի ,
 Յոյց է խնամոցն հայրենի .
 Ածցեն ըզքև խիստ սրտուհաս
 Ձեռք օտարին թէ չանսաս :
 Պաշտել ըզդիս դարձիր աղէ ,
 Մի անաստեր Քրիստինէ .
 Ապ' եթէ ոչ , 'ի դիս երգնում
 Ածել տանջանս ապառում ,
 Յորոց երկինք կամ քոյդ Աստուած
 Տեսցուք կորզէն յիմ ձեռաց :
 Քրիստիանէ գոչէ աստէն ,
 « Այ , հայհոյիչ անօրէն ,
 Օ'ն տար 'ի բաց դու զանուն գից ,
 Ինձ մի լինիր կարեկից .
 Մնտի բանիւքդ ոչ սպարիմ ես ,
 Արդահատեա դու 'ի քեզ .
 Ձիս ոչ մեղիէ երկիւղ մահուն ,
 Եւ ոչ քոյդ փառք զաղփաղփուն » :
 Իշխանն անդէն բըռամբ ըզնա
 Եա հարկանել անխընայ ,
 Եւ Քրիստինեայ եկեալ զծաղու ,
 « Ըստառնալիքդ ահարկու

Ո՞ւր են , ասէ , զոր խոստացար
 Ածել զինն , ապիկար ,
 Ճակատ ուղղել մի յանդրգնիր
 Ընդդէմ երկնի 'ի նանիր .
 Թէ չունիս ոյժ կաց 'ի բացէ ,
 Իմ զօրավիգն Աստուած է .
 Ըստ համարոյ համբերութեան
 Պրասակք յերկինս ինձ շողան .
 Աջն որ սարտեաց զիմն Ուրբանոս ,
 'Նոյն սարտեսցէ և զԴիոս » :

Գոռոզն անդէն վառեալ 'ի սէր ,
 « Ներեմ համայն քեզ , ասէր ,
 Յայս ըստխպեալ միայն ըզքեզ
 Զի աստուածոց զոհեսցես » :
 Կոյսն անվէհեր կըշուէ դարձուած ,
 « Ես ճանաչեմ մի Աստուած ,
 Ոյր հրաշակերտ երկիր երկին
 Արարք ձեռաց են նորին ,
 Ոյր յաջ ձեռին մըթերք դանձուց
 Յորոց զրկեալ էս վաղուց ,
 Եւ յահեկին ասէզ շանթիք ,
 Սրամըտութեանն արգասիք ,
 Զորոյ ըզփորձ առցես ընդ հուս
 Երբ ընկըրկիս դու 'ի գուբ :

Բայց չեն զարմանք թէ դու մոլիս
 Պաշտել զանգոյ զանշունչ դիս ,
 Գողով նոցա անուանակիր
 Լինել կարծես անբասիր” :

Թաւուտ անտառ վայր անմատոյց
 Հանգոյն գազան ոչ սընոյց ,
 'Ի ոչ կատաղիք տարտարոսի
 Տան ըզպատկեր Գիոսի ,
 Սալ երկաթի զերթ կասկարայ
 Բերել դահճաց հրաման տայ ,
 “ Հուր 'ի ներքոյ ուժգին արկէք
 Զեռուցանել զայն հրաչէկ ” :
 Եւ բոկանի ըզկոյսն առին
 Անդ 'ի վերայ կացուցին :
 Անբիծ կուսին իբր ըզգոհար
 Վառէր ոտին գարշասլար .
 Զերթ 'ի սեղան ողջակիզէր
 Եւ ոչ 'ի հուր, այլ 'ի սէր .
 Նըւագս օրհնից բազկատարած
 Վերառաքէր առ Աստուած .
 “ Ես գոհանամ ըզքէն , Տէր իմ ,
 Զի միւս անգամ չարչարիմ .
 Ընկալ զիմ սիրտ զոր ձօնեմ քեզ
 Զերթ զԱբելին ողջակէզ ,

Եւ Սահակայ խոյին փոխան
Ես ծախեցայց յայս սեղան” :

« Աստուածք անգամ, իշխանն ասէ ,
Գլթան 'ի քեզ Քրիստինէ .

Ծանիր և դու ըզգուծ նոցա
Ձոհեւ նոցին արդ գոնեա” :

Քրիստիանէ գոչէ անդէն ,

« Այ, ամբարիշտ անօրէն ,

Ընդ Քրիստոսի դու չերկրնչնս

Ի կշիւ դնել զանշունչ դիս .

Այդ զօրուծիւն է Աստուծոյս ,

Ինձ ներգործեալ 'ի խրախոյս .

Բայց դու առցես զարժանահաս

Ձանչէջ հրոյն սատուհաս ,

Երբ երթիցես դու ժառանգել

Ըզգրժոխոց վիհս անել :

Այլ ինձ յերկինս շքքեղ սլասկ

Իմ ճգնուծեանս փոխանակ ,

Ընդ լուսերամ վեհագունից

Եղեալ յաւերժ պարակից” :

Գազանացեալ իշխանն յայնժամ ,

« Աղջիկ , ասէ , անըզգամ ,

Բանք մեր ողոք ետուն օճան

Կալ մեր կամաց ախոյեան .

Սրտմխառութեանս զինեալ ընդդէմ
Պատիր կրօնիւքդ, ո՛ր դժխեմ:

Հրաման է ձեզ, մատիք, հիմ կայք
Արդարութեանս սաշտօնեայք”:

Անդ անողորմ ձաղկանս եգին,
Վիրօք լըցեալ ըզմարմին,
Եւ ածելեալ գերծեալ ըզհեր
Ըստ հրամանացն աննըւէր,
Մերկացուցին զհանգերձ նորուն.
Իրանն արեամբ թաթաղուն
Վէտ վէտ շողայր զերթ ծիրանի
Զանձամբն արկեալ հողանի:
Ըզքաղաքան ՚ի շուրջ ածեն,
Խրճնին փողոցք համօրէն.
Անդ ճեմ առնոյր կոյսն անվրկանդ,
Շողեալ որսէս ՚ի բահուանդ,
Արփափայլեալ շուրջանակի
Վառէր ՚ի տիպ վարսամի:
Եւ համբարձեալ ձայն առ Աստուած
Ողորմագին արտասուաց,
“ Ըզքէն, Տէր իմ Տէր, գոհանամ.
Մեծ էս Աստուած, մեծ քո խնամ,
Զոր յիմ վերայ ցուցեր ցայսօր
Աջովըդ քով մեծազօր:

Մինչ նստէի յաչաց անտես
 Ի մէջ բրգան անշուք ես ,
 Հանգիսանալ ետ ինձ զարդիս
 Յաշխարհատումբ քաղաքիս ,
 Ի հրաշացումն անուանդ մեծի
 Թէ ես քո եմ յայտնեսցի :
 Այո քո եմ և եղէց , Տէր ,
 Մինչև կացցէ այդ եթեր » :

Շտապեալ ճեպէր զընթացս արպիին
 Կարեկցելով ընդ կուսին .
 Թողեալ զաշխարհ ծածկի ահա ,
 Վառի կամարն աստեղեայ :
 Իշխանն անգուծ ըզՔրիստինէ
 Տանել 'ի բանդ հրամայէ .
 « Առ Ապողոն վաղիւ ածջիք ,
 Հատցի , ասէ , դատակնիք » :
 Փայլեալ մարմնով երթայր կուսան
 Զերթ արուսեակն 'ի մրթան .
 Ընդ կարճ ուղին հասեալ 'ի բանդ
 ԸզՔրիստինէ աղիսէն անդ :
 Ճախրեալ յաստեղս 'ի թևս հոգւոյն
 Մօտ առ դահոյս բարձրելոյն ,
 Անդայթ մըտօք հրավառ սրտիւ
 Կորովաբիբ զերթ արծիւ ,

Ի ծոց հաստջին սիրահարեալ,
 Ուժգին ըզձիւք խոյացեալ,
 Մըրմունջ 'ի սիրա զեղու գանգաս
 Հարսն 'ի փեսայն սրտակաթ,
 Թէ քայքայումն ընդէր չառնու
 Մարմին հոգւոյս սահարկու :
 Առ փեսային սիրապատար
 Կացեալ այսպէս ընդ երկար,
 Հալի 'ի սէր և թալկանայ,
 Հա ամփոփէ քուն ըզնա :

Սաղայէլի ահագնատես
 Ձիգ յեթերին ասպարէս
 Ձաչս արձակեալ կայծակնացայս,
 Ձօրէն արփւոյն ճառագայթ
 Ետես ըզկոյսն աստուածամուխ
 Շուրջ զաթոռով թագ 'ի դլուխ
 Ախոյենին այն յաղթական,
 Երկար ճըգանցըն փոխան :
 Առեալ վըճին ցասմանն ըզմէտ
 Երկնէր սարսափ ահափետ.
 Յընդերս երկրի որպէս յորժամ
 Հուր բորբոքեալ գամ քան զգամ,
 Եւ անօսրեալ զօգն ընդ երկրաւ,
 Գողցես հիւսիս և հարաւ

Անդ գալարեալ անդրնդապտոյտ ,
 Սրանայ անդէն 'ի զայրոյթ ,
 Ահեղ թնդամամբ շարժէ զերկիր
 Արկեալ զբնակչօք արհաւիր ,
 Սապէս սարսեաց , գուամարեցան
 Դեք տաղնապաւ 'ի յատեան :
 Գահոյք անդէն սարսափելի
 Յանկարծ կանգնեալ 'ի միջի
 Ահագնակերտ հարիւրդեւան ,
 Ի բիւր յեղեալ կերպարան ,
 Կազմեալ դիւացն 'ի հիւս ճարտար
 Բեւիարայ զայն դադար ,
 Դեք գահաւորք բզէտ նորին
 Ամենուրեք շրջէին :
 Նստեալ անդէն իշխան նոցուն
 Զայս բարբառի իւր զօրուն .

Գահակցութեանս վառեալ 'ի տենչ
 Մեծաբանէր ոմն 'ի ձէնջ ,
 Ըզգիրդ կուսան կարծեալ թեթև
 Ածել փակել ընդ ինև :
 Քաջ ախոյեան ցուցեալ նորա
 Ահա յաստեղս անցեալ կայ ,
 Անձնիւր բոպէք հիւսեն սրսակ
 Իւր ճգնութեանց մըրցանակ ,

Արագեցէք ըզմահ նորին
 Մէն մի մըտեալ 'ի գործին :
 Ի նախատինս մեր կեայ ցայսօր ,
 Ծաղրեալ զաջովս մեծազօր " :
 Ի գահոյիցն էջ զայրագին ,
 Սանգարամետք սարսեցին .

Աճապարէ իւրաքանչիւր
 Յաջ և յահեակ 'ի գործ իւր :
 Մինչ սևաթոյր սիգայր գիշեր ,
 Զակն իւր կառոյց 'ի յեթեր ,
 Տեսեալ զաստեղս յիւրեանց կայեան
 Ի գոյն հարեալ 'ի դալկան ,
 Զի մի զգաղտնիս մերկէ արեգ
 Փախչի սրանայ ահաբեկ ,
 Տարեալ ընդ իւր քուն և զերազ
 Ի վիմասոյզ յիւր դարպաս :

Զփոշին ոտից մըրըրկայոյզ
 Այն ինչ թափեալ արշալոյս ,
 'Նախկին ըզգեղն առնոյր երկիր ,
 Պըճնեալ 'ի զարդն իւր բնածիր ,
 Հա և 'ի բանս մըտեալ նորա
 Տալ ըզհամբոյր նախընծայ
 Բեկբեկ լուսովըն խանդակաթ
 Աչաց կուսին անարատ ,

Յարտևանունս մօտի , զարթնու
 Պարզէ զչըրթունս օրհներգու .
 « Դու որ նստիս յերկինս 'ի վեր ,
 Ամենակալ բարձրեալ Տէր ,
 Զերկնից բևեռ աջովք ուղղես
 Եւ զաստեղաց ըզհանդէս ,
 Չախովք զերկրիս այս ահագին
 Կալեալ ըզսանձն 'ի բըռին .
 Զեւ և ըզմուտ քե արևակ
 Ծանեալ յերկնից պարունակ ,
 Լուսին նրմա զօր հանապազ
 Պատրաստական կայ 'ի սպաս :
 Քև չորք տարերք լըծեալք 'ի մի
 Չըգեն ըզկառս աշխարհի .
 Փոխանակէ ձրմեռն աշուն ,
 Համայն ամառն և դարուն ,
 Մըռննչելով զալեաց խուժան
 Քև թաւալէ Ովկիան .
 Յաստեղատունս երբ ամբառնայ
 Ըզքո՞ հրաման յիշէ նա :
 Ոչ հողմահոս աւազին կոյա
 Զիւր խորտակէ ըզդայրոյթ
 Քան ըզպարիսպ ահագնաժայռ
 Հըզօր քո բնիգ , Մինչ ցայդ վայր 2 :

Խորտակեցին ալիքդ 'ի քեզ
 Երբ ընձնանաս փրփրադէզ :
 Մեծութիւն քո մինչ յամբս երկնից ,
 Ըզքեզ յաւերժ օրհնեցից” :

Մինչ Քրիստինէ զերկնից արքայն
 Հանգոյն օրհնէր վաղորդայն ,
 Երաժրչտաց ընթանայ սար
 Ապողոնեայ 'ի տաճար .

Եւ գիսաւոր անդէն նոխազ ,
 Զարդուք սրճնեալ մեծասպաս ,
 Առեալ տանին նըւիրական
 Քուրմք պարաւորք 'ի մէհեան :
 Փութան 'ի բանտ զի զայն հանցէ
 Դից յողջակէզ Քրիստինէ :
 Պերճ ընթանայր 'ի մէջ դահճաց
 Սա քան զնոխազն 'ի քրմաց ,
 Պատրաստական տալ զանճն 'ի նուէր
 Հանուրց հաստչին անվէհեր :
 Ընդ պատուհանս ամբոխ ուժգին
 Գոգ ընդ այերս տատանին .

Որպէս ցորեան հարեալ հողմով ,
 Հունձք ծածանին զերթ ըզծով ,
 Հանգոյն մարդիկ խըռնին ըզհետ ,
 Երթևեկեալ վէտ 'ի վէտ :

Հասեալ անդէն զօրէն արծուի
 Ճախրէ 'ի ներս շեշտակի .
 Եւ 'ի դիմաց սփռէր ճաճանչ ,
 'Նոր արփենի հիասքանչ :
 Մերկէ զգաղանիս մեհնական ,
 Եկեալ ոսմկին յերևան ,
 Ոստայնք ձրգեալք անդ լայնագոգ
 Ձիգ զաստուածոցն երեսօք ,
 Եւ մըրճոսեալ նոցին կրկնոց
 Թուին խանձողք դըժոխոց .
 Եւ սևաթոյր որմունքն անլոյս ,
 Ձերթ մըշտավառ ծրխնելոյզ ,
 « Ահա աստ եմ, ձայն արձակէ ,
 Ձի՛նչ կամիս դու, ո՛ր յիէ » :
 Իշխանն անդէն Ապողոնեայ
 « Ժամ է, ասէ, արգ զոհեա .
 Ըզքեզ տիկին ինձ բարձակից
 Բիւր ըսպասուք սլատուեցից .
 Յայսվայր բարեաց երախտագէտ
 Յուցցես ըզքեզ այսօր գէթ » :
 « Երախտագէտ եմ ես Հաստչիս ,
 Որ ցարգ պահեաց անփորձ զիս ,
 Որոյ երկինքդ այդ աստեղեայ
 Յաւիտենից դահ նորա .

Որ յօչընչէ զերկիր զերկին ,
 Միով բանիւ Եղիցին ,
 Արտակիտեաց իւրով լըրիւ
 Հանուրց կնքեալ չափս և թիւ :
 Եւ արդ դու , Տէր , ցոյց թէ տիրես
 Յերկնից նստեալ յասպարէզ .
 Ձրդեա զաջ քո , աստուածք սոցին ,
 Յոր յուսացան , փրչրեացին .
 Եւ ծանիցեն ազգք և ազնիք
 Քո են երկիր և երկինք :

Փայլեաց յանկարծ լոյս փայլական ,
 Անդրիք յերկիր քանդեցան .
 Ահագնագոչ բոմբիւնք անդէն
 Հընչէն ըզվայրն համօրէն .
 Ահեղ ճայթմամբ զերթ մայրեաց շար
 Տապաստ արկեալ շանթահար ,
 Ապողոնեաւ հանդերձ Դիոս
 Փոշի լուծան հողմահոս :
 Խրցան չըրթունք չար իշխանին ,
 Եւ թափեցաւ թոյն լեզուին ,
 Եւ արհաւիրք մահուն անդէն
 Պաղ զիրանամբ շուրջ պատեն :
 Սոսկմամբ մեծաւ այր ընդ ընկեր
 Այլագունեալ զայս ասէր .

« Մեծ է Աստուած քրիստոնէից ,
 Խաբբ են անուանիք մերոց դից » :
 Վառեալ 'ի սիրտ եթերին բոց
 Անդ երեսուն հարիւրոց ,
 Յիսուս անուն անդէն հընչէր
 Յամենեցունց անվէհեր :
 Ընդ այս հնչիւն բանայր երկին ,
 Գունդ լուսազգեացք պարէին :
 Մարտիկ 'ի ռազմ ճեպէ անգունդ
 Վառեալ յասպար և մըկունդ ,
 Կենաց կուսին գործել դարան
 Օրէնս առեալ ցրբուեցան ,
 Իշխան վայրագ վազվազակի
 Կարգել նախնոյն 'ի տեղի :

Շուրջ պարաւոր անդ ըզկուսիւ
 Հաւատացեալքն յոգնաթիւ
 « Ի բանտ 'ի մահ ընդ քեզ , ասէն ,
 Պատրաստ եմք մեք համօրէն » :
 Անդէն դահիճք 'ի դէմս դժնեայ
 Կորզէն ըզկոյսն անխընայ ,
 Որպէս զոչխար ընտրեալ 'ի զոհ ,
 Զատեալ հօտին 'ի միջոյ :
 Մըտեալ 'ի բանտ 'ի սիրտ անդոյր
 Տայր սիրահար բիւր համբոյր ,

Ուր հետք հրաշից արիւնազանդ
 Շողայր բանդին 'ի յատակ :
 Ուժգին գոչմամբ անդ կողկողէր
 Ձակն իւր յառեալ ընդ եթեր .
 « Բարձրեալ Աստուած ամենակալ,
 Ըզպաղատանս իմ ընկալ .
 Դու անկանես զամաց ըզջար
 Հիւսեալ ըզլոյս ընդ խաւար .
 Յազթանակէ քեւ առաւօտ
 Փայլմամբ արփւոյն անաղօտ :
 Ըզգեղ դաւար դու ըսփոփես
 Ի ցոյց երկնի ամադդէզ,
 Քեւ նորոգի բնութիւն համայն
 Ի ցօղ երկնից վաղորդայն . . .
 Թալկացելոյ սրտիս լեր դու
 Երկնից ցօղով կենսատու .
 Յերբ յամես, Տէր, տուր ինձ հրաման
 Վէհիդ լինել յանդիման .
 Փեռեկեսցի երկնից կամար,
 Ձի զքեզ օրհնեմ անդադար » :
 Մինչ սա այսպէս զգիշերն համբուն
 Անցուցանէր անդ անբուն ,
 Նոր յիշխանէն դահիճք ահա
 Խուժեն կուսին 'ի վերայ .

Որպէս վոհմակ արիւնախանձ
 Կորզէն ըզգառն 'ի յըստեանց ,
 Հանգոյն սոքա մինչ աղօթիկեր
 Հողուլ կուսանն ըզմայլէր ,
 Յափշտակեալ հանդէպ տանին
 Յուլիանեայ իշխանին .
 Ոյր դէմք ժպտեալ գեղովն անդէն
 « Բարեաւ , ասէ , գաս այսրէն ,
 Անմահ ծընունդ դու գեղանի
 Յաւերժ սիրոյ արժանի .
 Քանի՛ նըւէրք ընծայեցան
 Ապողոնեայ 'ի մեհեան ,
 Տեսիլ գեղոյդ յօրէ յորմէ
 Յունկն իմ ազդեաց Քրիստինէ :
 Ոչ հիմենեայ յոսկի սազարթ 3
 Փայլէ գըլուխ տարապարտ :
 Արքեղ սլալատ զոր տեսանես
 Քև զարդարի , գիտեմ ես .
 Եկ վայելեա ինձ բարձակից
 Արնորհ կալեալ անմահից » :
 « Արքեղ սլալատ զոր ես ունիմ
 Անդըր ձըգի քան զչիրիմ .
 Մինչ 'ի շիրիմ սահման քոյոյդ
 Համայն փառացդ երևոյթ ,

Այլ ինձ յերկինս անմահ հրեշտակք
 Անմահութեան կապեն թագ,
 Ըսակք վերացս աստեղց զօրէն
 Ահնախըտիս փայլեսցեն :

Ոչ փառք ոչ մահ, Յուլիանէ,
 Զիս 'ի կրօնից ոչ դրդուէ .

'Նախորդք քոյին զուր ճգնեցան,
 Զերկնից առեալ փորձ ցասման .

Ի գլուխ քոյին առցես և դու
 Թէ լինիցիս անարդու » :

« Խօսեա, ներեմ, 'ի քո թակարդ
 Ոչ ըմբռնես զիս, կախարդ .

Իմոց բազկաց ոչ յաղթեսցես
 Քոյովքդ ելեալ 'ի հանդէս :

Խնայեմ 'ի քեզ, եկ զոհեա զից,
 Բիւր ճոխութեամբք սպառուցից » :

« Ես թակարդեւ Յուլիանէ,
 Ոչ լոկ ըզքեզ, կոյսն ասէ ,

Այլ համօրէն ես կամէի
 Ըզձեզ 'ի ծոց Քրիստոսի :

Ասացի քեզ ընդ վայր ճգնիս
 Յանմահ ձեռաց կորզել զիս ,

Ողոք բանիւք մ' զիս փորձեր,
 Չիք ինչ հըզօր քան ըզսէր :

Թէ բիւրազգի մահ ըսպառնաս ,
 Կամ նորանոր պատուհաս ,
 Ունիմ յերկինս հանդիսադիր ,
 Չէ նա տեսող 'ի նանիր :

Շիթք արտասուաց թող թէ արեան
 Տրիտուր զերկինս ընկալան ” :

“ Ոչ շիթ արեան ոչ արտասուաց
 Տեսցէ այսօր քո Աստուած :

Հնոց ջեռուցէք վաղվաղակի ,

Մինչ յամպս երկնից բոց հատցի :

Լուր Քրիստինէ , եկ վայելես

Երդունն ահեղ կնքեմ քեզ ,

Մեծ տիկնութեան տըւեալ անուն

Նստցիս յաջմէ իմ դահուն :

Մեծն Արամազդ մեր բարերար

Մեզ 'ի վայելս ետ զաշխարհ ,

Առատաձեռն և աննախանձ ,

Ոչ արդեւս արկ և ոչ սանձ .

Յամենայնի սրտիդ փափաք

Օրէն լիցի քեզ անքակ ,

Ոչ իբր Աստուած ձեր նախանձորդ ,

Որ զգայութեանցդ անկըցորդ 4 ,

Չեզ 'ի մարմնի անմարմնական

Բերեւ ըզկեանս տայ հրաման :

Դարձիր հայեաց , որպէս շըջ
հուր բորբոքեալ 'ի հնոցէ . . :

« Կեանք աշխարհիս , զոր վայելէք ,
Կուսանն ասէ , այ դու հէք ,
Ո՛րպէս սրանայ , հանդոյն ամպոց
Վատնեալ յուժգինն 'ի հողմոց :
Ոչ Արամազդ և ոչ դիք ձեր
Երբ կանգնեցաւ տիեզեր ,
Այլ մեր Աստուած , ոյր դահ նորս
Կամարն ասէղ աստեղեաց ,
Շրջէ յոր կոյս և կամեսցի :
Ձեք ինչ յերկինս կամ յերկրի
Ձեք դիմադարձ կամաց նորուն ,
Եւ խեռ տարերս տես նրկուն .
Յակնարկմանէն թափին շանթիք ,
Աշխարհս նորին խաղալիկ .
Զոսկերօտի ցանէ մարդկան
Յերես դաշտի զերթ ցորեան :
Ձէ նախանձորդ որպէս լուտաս ,
Կեանք մեզ կամի անբամբաս :
Վասն աշխարհիս չըստեղծ ըզմեզ ,
Աստեղց անցցուք 'ի հանդէս :
Յորժամ գայցէ 'ի թևս հողմոց ,
Ոսկերք ելցեն յանդրնդոց ,

Եւ շարեացին այսպէս 'ի շար ,
 Անմահ ձեռաց գործ ճարտար :
 Միայն դիք ձեր , Յուշիանոս ,
 Լուծցին փոշի հողմահոս ,
 Փայտ քար կոփեալ 'ւ արծաթ ոսկի ,
 Ոչ շունչ ունին ոչ հոգի :
 Այլ զարժանին դու առնուցուս ,
 Երբ շանթեսցէ Տէր Յիսուս :
 Բայց արդարոց հոգիք թըռչին
 Տարփմամբ մեծաւ 'ի մարմին ,
 Ձերթ մլտերիմք զոյգ բացական ,
 Բազում ամօք դաղթական ,
 Անակրնկալ դիպեալ միմեանց ,
 Անդէն դրդանք խնդութեանց ,
 Անդէն հրաւերք տացեն երկնից
 Յաւէժական վայելից .
 Վըշտացուցի , մարմին , ըզքեզ .
 Եկ արդ փոխան վայելես ,
 Յաստեղատունս օն ճախրեսցուք
 Անմահութեան առեալ շուք :
 Իսկ սիղծ ոգիք , ողորմ արկած ,
 Ձըզին բըռնի 'ի դիւաց :
 Անցնիւր անդէն յարձակեսցին
 Դազանաբար 'ի մարմին ,

Պատառ սլատառ յօշատեսցեն
 Զիրանս իւրեանց շանց զօրէն .
 Անիծեալ դու , այ մարմին խեռ ,
 Պատճառ կիզմանս դու եղեր .
 Ես միայնակ ցարդ տոչորիմ ,
 Եւ դու հանգչիս 'ի շիրիմ :
 Ի վայելիցդ ո՞ր շահ եղև ,
 Ճըգունքդ ելին 'ի դերև .
 Դու վառեցեր ըզհուրն անշէջ
 Օն այժմ ընդ իս և դու էջ :
 Արդ 'ի հնոցէդ ոչ երկընչիմ ,
 Անտի 'ի ծոց ես թռանիմ
 Ես իմ հաստչիս , իմ Աստուծոյս ,
 Անմահու թեամբ քաջայոյս ” :

Դէմք բարկացայտ , « Ի հնոց արկէք
 Գոչէ իշխանն ահաբեկ .
 Խըցցի բերան անըզգամին ,
 Գուցէ աստուածք բարկասցին ” :
 Յափըշտակեալ ըզկոյսն անդէն
 Ի հնոց հըրոյն արկանեն .
 Այլ մըրմըռեալ բոցն 'ի հնոցէ
 Արտաքս իսկոյն արշաւէ ,
 Եւ լափլիզեալ ըզըրջակայս ,
 Անդրէն դառնայ յիւր 'ի կայս ,

Շուրջ ըզկուսիւ փարեալ վառի ,
 Զերթ լուսասփիռ ծիրանի :
 Յելուն երկինք , թռչին հրեշտակք ,
 Հընչէր անդէն այս նըւագ .
 « Ըզքեզ Աստուած , ըզքեզ օրհնեն
 Երկինք երկիր համօրէն .
 Ասողէնրկար եթերին դունտ
 Ըզքեզ ծանեալ և անդունդ :
 Դու խոնարհեալ , բարձրեալդ Աճ ,
 Չառնես անտես արտասուաց ,
 Եւ անմատոյց յալս սրբութեան
 Նստեալ յաւերժ անսասան ,
 Խեռ տարերաց սանձ արկանես ,
 Նոցուն տըւեալ ասպարէս :
 Չըգես զաջ քո ամենուրեք ,
 Շանթահարին ահաբեկ .
 Թէ խեռեսցին ըզգօնանան
 Ըզփորձ առեալ քոյդ ցասման :
 Առ ջուրքն ըզնոյ , և 'ի Բաբել
 Զերիս մանկունս ողջ պահել
 Քո զօրութեանդ են արգասիք ,
 Եւ քեզ յաւերժ դրուատիք :
 Ըզքեզ Աստուած , ըզքեզ օրհնեն
 Երկինք երկիր համօրէն » :

Չայն օրհնութիւններքուստ 'ի բաց
 Հընչեալ ուժգին նըւագաց ,
 Ըզպահասպանանն ասիւ մեծաւ
 Հասոյց վիսին զառաջեալ :
 « Լըւար , իշխանդ , ըզՔրիստինեայ .
 Չէ միայնակ անդէն նա .

Լուսազգեցից ըզնովաւ պար
 Փայլէ արփւոյն 'ի տիպար .
 Ի հուրն անկէզ որ պահի ցարդ ,
 Հասարակաց չէ նա մարդ .
 Օ'ն 'ի տաճար առեալ տարցուք ,
 Իբր անմահից դընեւ շուք » :

Գոչէ իշխանն , « Իբր յանդըգնիք ,
 Գուք դըժոխոց ժանտ որդիք ,
 Ամէնիշխան դիցն յաւերժից
 Իընեւ ըզմարդ բարձակից :
 Առէք այսրէն , սանդարամետ
 Յասմանս այսօր տեսցէ զմէս :
 Վազեալ իսկոյն 'ի դուրս կորզէն
 ԸզՔրիստինէ 'ի հնոցէն ,
 Ոյր գեղ դիմաց վարդից հանգոյն
 Վառէր շողայր երփնագոյն :
 Հոտ անուշից բուրեալ համայն
 Որպէս շուշան վաղորդայն ,

Բոլորածիր սարեն հրեշտակք
 Բերեալ նրմին մրցանակ:
 Հետոցն յառնուլ շող թօթափէր,
 Տիպար արփւոյն 'ի յեթեր:

Հանդիսատեսք բախեն ըզանջ
 Այր ընդ ընկեր հիասքանչ.
 Բայց դատաւորն անդուծ գազան
 Ի տես դիմացն հրաշազան,
 Թափել ճըգնէր սրտին ըզթոյն
 Ի սուրբ կուսան վաղագոյն:

«Վըհուկդ, ասա, ուստի՞ ուսար
 Զայդ քո արուեստ բազմահնար.

Ապ' եթէ ոչ, այսօր տեսցես
 Ուժոյս իմոյ ըզհանգէս:
 Կախարդուծք զերծցիս, տեսցուք,
 Կորզեալ անձինդ և զայդ շուք”:

Աստուածարեալ դիմօք յայնժամ
 Կոյսն գոչէ, «Անըզգամ,
 Ուր մասն երկնից հրաշագործէ,
 Անդ քո բազուկ ոչ զօրէ:

Զօրէն գայլոյ ըստ անուան քում
 Կամիս մընալ ապառոււմ 5.

Այլ քաջ հովիւն ահա Յիսուս
 Զոչխարս արկեալ յիւր 'ի յուս,

Որս ոչ տացէ քոյ ճիրանաց ,
 Յուցեալ զհանդէս վեհ բազկաց” :

Վարսք 'ի գլուխ վէս իշխանին
 Վարազաձև քրսամբնին .

Արիւնացայտ աչքն 'ի ճակատ
 Վէր վայր թարթեն յուսահատ .

“Ելցեն , ասէ , հրաման է ձեզ ,
 Թովիչք իժից 'ի հանդէս” :

Զոյգ մի հրաշունչ իժից անդէն
 Արիւնախանձ սողոսկեն .

Այլ շունչ նոցին մահահրաւէր
 Ի սիրտ կուտին ոչ ազդէր ,

Այլ ընդ ոտիւք մեռօրինակ
 Գալարեցան զերթ սլասակ :

Բայց սաստկանայր վխին հրաման
 Իժից գրգիռ տալ ցասման :

Թովիչն այն ինչ թովէր զնոսա ,
 Գլուխք նոցուն ամբառնայ ,

Զերթ հաստաձիգ նեա յաղեղանց
 Իժք ոստուցեալք մարդախանձ ,

Զուլամբ թովչին փարեալ անդէն
 Ըզթոյնս 'ի սիրտ կայլակեն :

Յանկարծ հարաւ 'ի գոյն գալկան ,
 Ահուհքն 'ի գուրս սորեցան ,

Վարսից փոխան օձք գալարուն ,
Տիպ Մեդուսեայ ճակատուն 6 .
Կապոյտ շրթունք ցայտեն փրփուր ,
Պատի զնովաւ սպաղ սարսուռ :

Գոչէ կուսանն հրաշիցն 'ի տես ,
« Որ ահաւոր և մեծդ ես ,
Հիմունք երկրի 'ի քէն սարսին ,
Ըզքեղ ծանեաւ և երկին :
Տեսին աղինք թէ ես քո եմ ,
Համայն սողունքս այս դժխեմ » :

Առ որս անդէն դարձեալ ասէ .
« Մի մեղանչէք յայսմ հետէ ,
Երթայք երբէք մի խայթուածք ձեր
Ումէք լիցին մահաբեր :

Այլ դու ձայնի լուր աղախնոյս
Քո բարութեամբդ ընդաբոյս ,
Աստուած բարձրեալ սքանչելագործ ,
Քո գլթուլթեանդ առցեն զփորձ ,
Թէ ըզկորուստ դու ոչ կամիս

Մեղաւորաց իբրև զիս :
Դարձո 'ի սա ըզունչ կէնաց
Դու Տէր հանուրց և Աստուած .
Յատուղատունս նստեալ 'ի գահ ,
Ի քեզ նային կեանք և մահ ,

Կարող ես տէր կեանս սարգևել
 Յասել հիբոյս, արի ել . . .”
 Յարեաւ եկաց մեռեալն իսկոյն
 Կենդանութեան առեալ գոյն .
 ԸզՔրիստինեայ փարեալ զոտիւք,
 “Որ ետ, ասէ, ինձ զայս սիւք,
 Ես ճշմարիտ Աստուած միայն .
 Աստուածք ազգաց են ունայն” :
 Հաւատացեալ այրն ՚ի Քրիստոս,
 Շրջէր քարոզ ընդ Տիւրոս .
 Այլ մըռընչէր իշխանն անսաստ,
 Դիւաց գըրեալ զայն նըսաստ :
 “Կախարդութիւնդ ել ընդ երկիր .
 Երեմ, ասէ, էկ դարձիր .
 Ա՛ռ քաղցրութեամբ պաշտել ըզգիս
 Դու Քրիստինէ, գէթ զարդիս .
 Քաննիցս ՚ի քէն բամբասեալ, տես
 Երողամիտ գըտան քեզ” :
 Աստ Քրիստինեայ անժոյժ ոգին
 Վառեալ ՚ի սէր Անմահին,
 “Ի՞բր յանդըգնիս այգքան, գոչէր,
 Զայդ բարբառել, այ վատշուէր .
 Ըզզօրութիւնն հիմ չիմանաս
 Յիս ներգործեալ հանապազ :

Հրաշիցս հանդէս քեզ եղկեւոյդ
Պատիր թըւին երևոյթ .

Երբ ըզբըբօքդ մածցի խաւար ,
Յայնժամ տեսցես բազկին կար ,
Յաւերժ վըհին հրավառ սահման
Երբ քոյդ լիցի «Թեան» :

Ահա անդէն դահիճք դըժնեայ
Խուժեն կուսին 'ի վերայ .

Ըստ հրամանացն անագորոյն
Յըստինս արկեալ ըզդաշոյն ,
Յայտէ իսկոյն կաթն ընդ արեան ,
Յամօթ դիմաց այն մարդկան :

Ո՛հ անողորմ անգուժ մարդիկ ,
Ի բնութենէ ոչ սարսիք .

Ձեր սընընդեան սիրապատար
Ձայն ամբարձեալ յուշարար ,
Վրիժուց օձանս յերկինս յերկրէ
Յանմահ հոգւոց բողոքէ :

Այլ Քրիստինէ յերկինս 'ի վեր
Ձաչս ամբարձեալ աղօթէր .

« Բեկեալ անձամբ ըզքէն , Տէր իմ ,
Ահա դարձեալ շնորհ ունիմ ,
Սիրոյ ընդ դոյզն այս արգասիս
Քո գըթուժեամբդ հաճեսցիս .

Տէր իմ, սոցա մի համարիր

Տալ մեզանացն ըզկըշիւ » :

Արտասուլաթորմ աղօթք կուսին
Վառեն զցասուլմն իշխանին :

« Քոց յաղօթից յայսրմ հետէ

Ոչ օգտեսցիս , Քրիստինէ .

Երդուեալ 'ի դիս , թէ ոչ զոհես ,

Հանգիստ անձին ոչ գըացես ,

Յորչափ շնչես դու կաթ մի սիւք

Եւ ես կեցից ընդ երկնիւք :

Տարէք 'ի բանդ ահա գիշեր

Զօրավիգն է գուցէ մեր » 7 :

Առեալ տանին , 'ի տես նորա

Ամբոխ ուժգին ընթանայ .

Կէսք զարմացեալ ընդ գիրգ կուսան

Հասեալ յայդ չափ արուժեան ,

Այլք կարեկիցք ճըգանց նորին

Արտասուլաթոր լինէին :

Զաչս ամբարձեալ կուսանն անդէն

Զայս բարբառի 'ի բանդէն .

« Լուարուք ինձ արք և կանայք ,

Դուք յիմ վերայ առ ինչ լայք .

Ոչ համբերեմ ես վայրասլար

Որպէս կարծէք հլբաբար .

Շիժ արաասոււացս ոչ անկցի զուր ,
 Զերկինս առցէ տրբիտուր :
 Խմ զօրու[թեամբս մի համարիբ
 Թէ ժուժկալեմ այսոցիկ ,
 Այլ խնամակալ աջ բարձրելոյն
 Է զօրավիգն ինձ 'ի սոյն ,
 Հօր միածին 'ի մահ խաչի
 Արեամբ հորդեաց զայս ուղի ,
 Ի նոյն շաւիղ ճեպիմ և ես
 Յաստի կենացս ասպարէս :
 Ահա աեսէք , որպէս ըստուեր
 Թըռչին սրանան այս կեանք մեր .
 Բայց հանդերձեալն անշարժ մընայ ,
 Որպէս կամարն աստեղեայ ,
 Եւ անհրաժեշտ առցուք անդէն
 Մերոց գործոց փոխարէն :
 Պաշտօնատարք անըզգայ դից ,
 Եւ որք կեցին մեղսաւից
 Դատ ընկալցին նոյնօրինակ
 Յաւերժ վըհին ըզկրակ .
 Ես մինչ ոսկերբս այս 'ի շիրիմ
 Ո՛հ , մինչ անկցին չարչարիմ » :
 Խօսից սորա լըւեալ բազմաց ,
 Եւ գաւանին զէնն Աստուած :

Զօրէն վազեր վառեալ 'ի հուր
 Վայրագ իշխանն ընդ այս լուր ,
 Աճապարեւ ածեւ ըզնա
 Գահճացն իսկոյն հրաման տայ .
 Զոր և գրտեալ 'ի տուն բանտին ,
 Ի գուճս անկեալ 'ի գետին ,
 'Եւ լազս օրհնից բազկատարած
 Վերառաքէր առ Աստուած :
 Հա վերամբարձ 'ի Թռիչս առնուն ,
 Որ գող 'ի տիպ արևուն ,
 Ճաճանչ սրբութեալ յուզին փայլէր
 Չըքնազ մարմնովն ընդ այեր :
 Եւ կացուցին քրթթեւ յական
 Խրոխտ իշխանին յանդիման .
 Որ մըռնչէ , « Յի՞նչ ես վըստահ ,
 Ամբարտաւանդ չարամահ ,
 Մերձեալ է ժամահա զարդիս
 Ոչ պաշտիցես Թէ ըզդիս ,
 Մահուն խաւար մածցի ըզքե
 Ոչ այլ տեսցես զայս արև .
 Դարձ Քրիստինէ , ահա երզնում
 Զամենայն ինչ դարձին քում » :
 Գոչէ կուսանն վառեալ յերկնուստ ,
 « Պարզևդ ընդ քեզ 'ի կորուստ ,

Չիք փրկութիւն առ Աստուած քեզ
 Դատաստանացն 'ի հանդէս ,
 Ի ծոց յաւէրժ անկցիս մահու ,
 Թէ ոչ ըզգիս թողցես դու ,
 Ձիս ոչ մեղիէն փառաց հրապոյր ,
 Կամ ձայն մահուն անհամբոյր ,
 Անմահութեամբ քաջայոյս եմ
 Առեալ զերկինս լուսաճեմ .
 Այլ քեզ խաւար տարտարոսին
 Յաւիտենից քոյդ բաժին » :

Աստէն գոռոզն ուժգին դոփմամբ
 Որպէս Եւրոս հանէ զամբ ,
 Որոտընդոսս գըլէ բարբառ ,
 Հանգոյն ամպոց շանթահար .
 « Հատցի լեզուն ապերասան
 Հայհոյութեանցըն փոխան » :
 Որպէս յորժամ գայլոց վոհմակ
 Յափըշտակեալ զոջնարակ ,
 Քարշէն 'ի վայր մըռընչեւով
 Շուրջ պարաւոր ըզգըլիսով ,
 Յարիւն համակ ցըռուկք նոցին
 Յական քըթթել ներկանին ,
 Յարձակեցան հանգոյն սոքա
 Անբիծ կուսին 'ի վերայ .

Գեանատարած 'ի մէջ առնուն
 Ի դուրս կորզեալ ըզլեզուն ,
 Ոմն ատամամբ անագորոյն ,
 Եւ միւսն արկեալ ըզգաշոյն ,
 Արիւնացայտ հատեալ 'ի բաց
 Ճըգնին կորզել յիրերաց .
 Այլ Յիսուսի զանուն հընչէր
 Հատոր լեզուին սրբանուէր :
 Եւ Քրիստինէ արիւնթաթաւ
 Իսկոյն յոտին կանգնեցաւ ,
 Անբիծ շըրթամբք արիւնագանդ
 Օրհնէր զԱստուած անսայթաք ,
 « Դու Աստուած իմ , դու առ ընթեր ,
 Ի սկըզբանէ միշտ կացեր ,
 Յառոյգ տիոց քեզ զերծայ ես
 Յանթիւ ճըգանցս 'ի հանդէս ,
 Եւ արդ հանգո՛ , բարձրեալդ Ա՛ծ ,
 Յաւած հոգիս անձկայրեաց ,
 Կենաց իմոց կնքեալ վախճան
 Տուր ինձ ըզքեզ յաւիտեան ,
 Օրհնաբանիցդ անցեալ 'ի դաս
 Քեզ ցնծացայց հանապաղ » :
 Ընդ այս բարբառ անդէն փայլեաց
 Լոյս փայլական յեթերաց ,

Սահման երկնից զեւր ըզպատկեր
 Գողցես յերկիր նրկարէր .
 Եւ հինաւուրցն անդէն Աստուած
 Ահեղ յօնիւքն ակնարկեաց .
 Ըզգաց դըժոխք ըզմէտ ցաման ,
 Եւ սիւնք երկրի շարժեցան ,
 Բոմբիւնք ձայնից հընչէն բարբառ
 Թափօր լերինն 'ի տիպար .
 « Եկ Քրիստինէ , եկ վայելէա
 Զերկնից կամարն աստեղեայ ,
 Այսքան վըշտացդ եմ կարեկիր ,
 Կստեալ յերկնուստ մարտադիր ,
 Յանմահ ճակատդ ա՛ն ըզպըսակ
 Քոց ճըգնութեանց մըրցանակ » :
 Կարկատեցան երկինք անդրէն .
 Այլ գատաւորն անօրէն
 Մըւընչելով ըզՔրիստինէ
 Տիգօք խոցել հրամայէ .
 Զոյգ տիգաւորք ըզկող կուսին
 Գազանաբար խոցեցին :
 Անկաւ 'ի վայր կուսանն խսկոյն ,
 Որպէս 'ի սայր գերանդւոյն
 Հատեալ շուշան և թալկանայ ,
 Հանգոյն և գէմք Քրիստինեայ :
 9*

Ահեղ ցոլմամբ յերկնից անկաւ
 Լոյս մեծ փառաց ըզնովաւ :
 Ահա տանին անմահ հրեշտակք
 Զխմոյ տաւղիս նըպատակ,
 Թըռիչք ոգւոյս որով վարէր . . .
 Հէք երաժիշտ արդ լուռ լեր,
 Մասն հարկանէն վեհ նուագածուք,
 Թող մըտադիւր զայն լուիցուք :



ԾԱՆՕԹՈՒԹԻՒՆՔ

ԱՌԱՋԻՆ ԵՐԳՈՅՆ

1. Երկինք պատմեն զփառս ԱՅ :
2. Վէստեան կուսանք որոշեալ էին 'ի գործ պաշտաման տաճարին Կիրեղեայ :
3. Տեսեալ էր 'ի մանկութեան զչարչարանս վկայիցն առ դատաւորութեամբ հօր իւրոյ :
 4. Ապա ժամանակաւ տաճար ասի կառուցեալ 'ի տեղի աշտարակին 'ի պատիւ կուսին :
 5. Աստ զառաջինն յիշեցաւ անուն կուսին . զին 'ի տեպէան եգաւ անուն նորա Քրիստիանէ և 'ի ծնողացն Քրիստինէ առձայնէր :
 6. Հազարապետ տան և սիրելի Քրիստինեայ :
 7. Լուեալ թէ ցանկայր գալ առնա յառաջ քան զվասիճան իւր, և թէ անշուշտ զքրիստոնէութիւն յանձն առեալ 'ի միասին նահատակէր, վասն այսորիկ ուժգին ողբայ զնա :
 8. Կամենա, մին յինն Մուղայից :

ԵՐԿՐՈՐԴ ԵՐԳՈՅ

1. Անթաղ մնացեալն առ հեթա-
նոսս չմտանէր յՈղիւմսոս, այլ ժիշտ
ճեմէր թափառէր առ արամբ գետոյն:

2. Ի Գաբրիէլ հրեշտակասկտէ մը-
կրրտեալ ասի 'ի գիմաց Քրիստոսի,
ընդ որ մէք այսպէս սլաաշաճ՝ դատե-
ցաք անցանէլ:

3. Դրունք աւերնեան, գրունք
դժոխոց:

ԵՐՐՈՐԴ ԵՐԳՈՅ

1. Եղիւսեան դաշաք, յորս բնա-
կէին հոգիք իբր յարքայութեան ըստ
հեթանոսացն առատակէլեաց:

2. Ակնարկի բան Յովբայ, « Ասացի
ցայդ վայր եկեացես . . . 'ի քեզ խոր-
տակեցին ալիքքո » . ԼԸ . 11 .

3. Հիմէն, Աստուած հարսանեաց:

4. Աստուած ձեր չունի զգայու-
թիւն, ասէ, անմարմին գոլով:

5. Οὐλὸς ἄλλο, ἀγρίνῃς ἔξω, ἴσως
σώζω, ἠδὲ ἄλλων ἑξῆς ἡ ἀγρίνῃς ἑξῆς
ἑξῆς :

6. Ὑπερβολὴ ἡ ἀγρίνῃς, ἀγρίνῃς
ἑξῆς ἡ ἀγρίνῃς ἑξῆς ἡ ἀγρίνῃς ἑξῆς
ἑξῆς :

7. Ἄλλο ἡ ἀγρίνῃς ἑξῆς ἡ ἀγρίνῃς ἑξῆς
ἑξῆς :

